

CBETA電子佛典集成

CBETA Chinese Electronic Tripitaka Collection
eBook

T19n0982

佛母大孔雀明王經

唐 不空譯

目次

- [編輯說明](#)
- [章節目次](#)
 - [佛母大金曜孔雀明王經序](#)
 - [讀誦佛母大孔雀明王經前啟請法](#)
 - [佛母大孔雀明王經](#)
- [卷目次](#)
 - 001
 - 002
 - 003
- [贊助資訊](#)

編輯說明

- 本電子書以「CBETA 電子佛典集成 Ver si on 2023.Q4」為資料來源。
- 漢字呈現以 Uni code 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 seryi.ce@cbeta.org 回報。
- 版權所有，歡迎自由流通，但禁止營利使用。

佛母大金曜孔雀明王經序

《佛母大孔雀明王經》者，牟尼大仙之靈言也，總持真句、悲救要門，縮悉地之玄宗、息波瀾之苦海。二十八部之神眾，同誓護於斯經，羅刹吞毒之都軍，發慈心而警衛，藥叉大將數窮百骸，動石擎山，散支為首，捧香花於舍衛，起淨念於祇林，禮明行之牟尼，忻所談之深法，樂飡禪悅，希甘露以洗心。佛乃悲愍將來，託莎底而演教，自陳因地，為彼烏王，被羈網羅，命如懸露。忽思古聖，無上覺皇，演陀羅尼，能超眾苦，發聲應念，繫縛冰銷，適樂青空，翔騰自在，迄於成佛，訓彼曩因，逝多林中，述斯密教。咨嗟末代，蠢蠢含靈，去聖遠遙，運生像季，多逢留難，異種魔生，修行者被惑情迷，居家者眾邪為患，妖祇振怪，常現災祥，若不此經，何威能制？是以多聞慶喜，親奉聖言，結集貝多，周傳沙界。然此支那數朝翻譯，民雖遭難，尚未遍宣，即蓋緣往時譯者詞質而文梗，潤文者闕方便之妙言，雖聖旨不乖，尋讀者引肩而翫目。今所譯者，即中天竺國三藏國師和尚不空，善唐梵之言，窮五天之教，來於此國，勅令於大明宮，乃譯此經，勒成三卷，題云「佛母大金曜孔雀明王經」矣，莫不廣開佛日，高照重昏，祕密真詮，遍流同益，靈符既顯，萬障自祛，法藥普施，業患永滅。願此法燈常耀，總法界而清安，聖壽千春，保金枝而長茂，天龍警護，法化恒宣，佛勅流暉，塵劫不朽。

(此經須知大例，若是尋常字體傍加口者，即須彈舌道之，但為此方無字故借音耳；餘自准可依字直說，不得漫有聲勢，致使本音即便乖梵韻。又讀誦時，聲合長短，字有輕重，看注四聲而讀，終須師授方能愜當。又須粗識字義呼之，始可隨情。若至我某甲處，咸須具述所求之事。然此經有大神力，求者皆驗，五天之地，南海十洲，及北方吐貨羅等二十餘國，無問道俗，有小乘大乘者，皆共遵敬讀誦求請，咸蒙福利，交報不虛。但為舊經譯文有闕，致使神州不多流布，雖遭厄難，讀誦者尚稀。故今綜尋諸部梵本，勘會委的，更重詳審，譯成三卷，并畫像壇場軌式，利益無邊，傳之永代耳。)

讀誦佛母大孔雀明王經前啟請法

開府儀同三司特進試鴻臚卿肅國公食邑三千戶賜紫贈司空諡大鑒正
號大廣智大興善寺三藏沙門不空奉 詔譯

南謨母馱野 南謨達磨野 南謨僧伽野 南謨七佛正遍知者

南謨慈氏菩薩等一切菩薩摩訶薩，南無獨覺聲聞，四向四果，我皆敬禮如是等聖眾。我今讀誦《摩訶摩瑜利佛母明王經》，我所求請願皆如意。所有一切諸天靈祇，或居地上，或處虛空，或住於水，異類鬼神，所謂：諸天及龍、阿蘇羅、摩嚕多、藥嚕拏、彥達嚩、緊那羅、摩護囉誡、藥叉、囉剎娑、畢嚩多、比舍遮、矩畔拏、步多、布單那、羯吒布單那、塞建那、唵摩那、車耶、阿鉢娑麼囉、塢娑怛囉迦，及餘所有一切鬼神，及諸蠱魅、人非人等，諸惡毒害，一切不祥，一切惡病，一切鬼神，一切使者，一切怨敵，一切恐怖，一切諸毒，及諸呪術，一切厭禱，伺斷他命，起毒害心，行不饒益者，皆來聽我讀誦《佛母大孔雀明王經》，捨除暴惡，咸起慈心，於佛法僧生清淨信。我今施設香花飲食，願生歡喜，咸聽我言。

怛爾也(二合)他(去、引)(一) 迦(引)里迦囉(引)里(二) 矩畔(引)膩(三) 餉棄[寧*頁](四) 迦麼攞(引)乞史(二合)賀(引)哩(引)底(五) 賀哩計(引)施室哩(二合、引)麼底(六) 賀哩氷(卑孕反)誡黎攬迷(七) 鉢囉(二合)攬迷(八) 迦(去)攞播(引)勢(九) 迦囉戍(引)娜哩(十) 焰摩怒(引)底(十一) 摩賀囉(引)乞灑(二合)泉(十二) 部多孽囉(二合)薩[寧*頁](十三) 鉢囉(二合)底(引)砌(引)[牟*含](十四) 補澁啉(二合)度(引)啉(十五)(引) 嚩淡末隣(十六) 左娜(引)瀉(引)弭(十七) 囉乞灑(二合)他麼麼(某甲)(十八) 颯跛哩嚩(引)覽(十九) 薩嚩娑(去)喻(引)鉢捺囉(二合)吠毘藥(二合)(二十) 弭(引)嚩覩襪囉灑(二合)捨耽(二十一) 鉢設都(二十二) 捨囉喃(引)捨單(二十三) 悉鈿覩(二十四) 滿怛囉(二合)鉢娜娑嚩(二合)賀(二十五)(引)

諸如是等一切天神，咸來集會，受此香花飲食，發歡喜心，擁護於我某甲，并諸眷屬，所有厄難，一切憂惱，一切疾病，一切饑饉，獄囚繫縛，恐怖之處，悉皆解脫，壽命百歲，願見百秋，明力成就，所求願滿。

佛母大孔雀明王經卷上

如是我聞：

一時薄伽梵在室羅伐城，逝多林給孤獨園。時有一苾芻，名曰莎底，出家未久，新受近圓，學毘奈耶教，為眾破薪，營澡浴事。有大黑蛇從朽木孔出，螫彼苾芻右足拇指，毒氣遍身，悶絕于地，口中吐沫，兩目翻上。

爾時具壽阿難陀，見彼苾芻為毒所中，極受苦痛，疾往佛所，禮雙足已，而白佛言：「世尊！莎底苾芻為毒所中，受大苦惱，具如上說。如來大悲，云何救護？」作是語已。

爾時佛告阿難陀：「我有摩訶摩瑜利佛母明王大陀羅尼，有大威力，能滅一切諸毒、怖畏、災惱，攝受覆育一切有情，獲得安樂。

汝持我此佛母明王陀羅尼，為莎底苾芻而作救護，為結地界，結方隅界，令得安隱，所有苦惱，皆得消除。彼等或為天龍所持、阿蘇羅所持、摩嚧多所持、孽嚧拏所持、彥達嚧所持、緊那囉所持、摩護囉誡所持、藥叉所持、囉刹娑所持、畢嚧多所持，毘舍遮所魅、步多所魅、矩畔拏所魅、布單那所魅、羯吒布單那所魅、塞建那所魅、嚧麼那所魅、車耶所魅、阿鉢娑麼羅所魅、塢娑跢囉迦所魅，為如是等所執所魅之時，佛母明王悉能加護，令無憂怖，壽命百年。或被他人厭禱呪術、蠱魅惡法之類，所謂：訖哩底迦、羯摩拏、迦具囉那、枳囉拏、吠哆拏、質者，飲他血髓，變人驅役，呼召鬼神，造諸惡業，惡食惡吐，惡影惡視，惡跳惡騫，或造厭書，或惡冒逆，作如是惡事，欲相惱亂者，此佛母明王擁護彼人，并諸眷屬，如是諸惡不能為害。又復瘡病，一日二日、三日四日，乃至七日、半月一月，或復頻日、或復須臾，一切瘡病，四百四病，或常熱病、偏邪病、癭病，鬼神壯熱，風黃痰癢，或三集病，飲食不消，頭痛半痛、眼耳鼻痛、脣口頰痛、牙齒舌痛，及咽喉痛、胸脅背痛、心痛肚痛、腰痛腹痛、髀痛膝痛，或四肢痛，隱密處痛，遍身疼痛，如是過患悉皆除滅。願護於我某甲，并諸眷屬，我結地界，結方隅界，讀誦此經，悉令安隱。」

即說伽他曰：

「令我夜安， 晝日亦安， 一切時中，
諸佛護念。」

即說陀羅尼曰：

「怛爾也(二合)他(引)(一) 伊(上)膩(二) 尾膩(三) 枳膩(四) 呬膩(五) 弭膩(六) [寧*頁]膩(七) 頰爛(八) 伽(引、上)爛(九) 努誡爛(十) 賀哩拏(十一) 嚧嚧膩(十二) 膀(引)蘇比舍止[寧*頁](十三) 阿(去)嚧(引)賀拏(十四) 污嚧賀拏(十五) 嚧嚧(十六) 謎嚧(十七) 帝嚧(十八) 底里底里(十九) 謎嚧謎嚧(二十) 底謎底謎(二十一) 努謎努謎(二十二) 伊(上)置弭置(二十三) 尾瑟吒(二合)睇(二十四) 左跛嚧(二十五) 尾麼嚧(二十六) 尾麼嚧(二十七) 護嚧護嚧(二十八) 阿濕嚧(二合)目棄(二十九)(引) 迦(引)里(三十) 麼賀(引)迦里(三十一) 鉢囉(二合)枳(引)囉拏(二合)計施(三十二) 矩嚧矩嚧(三十三) 嚧(引)具嚧(三十四) 句(引)嚧句(引)嚧(三十五) 護嚧護嚧(三十六) 嚧譜嚧(三十七) 度(引)娑(上、引)努(鼻)嚧(三十八) 怒(引)努(鼻)嚧(三十九)(引) 怒(引)麼弩嚧(四十)(引) 遇(引)攞夜(引)(四十一) 跋攞夜(引)(四十二) 比輸比輸(四十三) 呬哩呬哩(四十四) 弭里弭里(四十五) 底里底里(四十六) 鼻里鼻里(四十七) 祖魯祖魯(四十八)

或有龍王行地上， 或有龍王常居空，
 或有恒依妙高山， 或在水中作依止，
 一首龍王我慈念， 及以二頭亦復然，
 如是乃至有多頭， 此等龍王我慈念。
 或復無足龍王類， 二足四足等龍王，
 或復多足諸龍王， 各起慈心相護念。
 此等龍王具威德， 色力豐美有名聞，
 天與脩羅共戰時， 有大神通皆勇猛。
 勿使無足欺輕我， 二足四足勿相侵，
 及與多足諸龍王， 常於我身無惱觸。
 諸龍及神我慈念， 或在地上或居空，
 常令一切諸眾生， 各起慈心相護念。
 復願一切含生類， 及以靈祇諸大神，
 常見一切善徵祥， 勿覩違情罪惡事。
 我常發大慈悲念， 令彼滅除諸惡毒，
 饒益攝受離災厄， 隨在時方常擁護。

「曩謨罕覩(二合)沒馱野 曩謨罕覩(二合)冒馱曳 曩謨罕覩(二合)目
 訖多野 曩謨罕覩(二合)目訖多曳 曩謨罕覩(二合)扇多野 曩謨罕
 覩(二合)扇多曳 曩謨尾目訖踰(二合)野 曩謨尾目訖踰(二合)曳

「諸有淨行者， 能伏諸惡業，
 敬禮如是等， 於我常衛護。
 若逢諸恐怖， 一切惱亂時，
 并及災害時， 疾病變怪等，
 及被毒所中， 不利益之時，
 護我并眷屬， 無病壽百歲。」

佛告阿難陀：「往昔之時，雪山南面，有金曜孔雀王於彼而住，每於晨朝，常讀誦佛母大孔雀明王陀羅尼，晝必安隱，暮時讀誦，夜必安隱。」即說陀羅尼曰：

「曩謨沒馱野(一) 曩謨達磨野(二) 曩謨僧(去)伽(去)野(三) 怛爾
 也(二合)他(去)(四) 護護護護護(五) 曩誡嘍嘍(六) 努(鼻、上)麼嘍
 嘍(七) 護野護野(八) 尾惹野尾惹野(九) 度蘇度蘇(十) 麼嚕麼
 嚕(十一) 暲攞謎攞(十二) 底哩謎羅(十三) 伊(上)里密怛[口*賴]
 (二合)(十四) 底里密怛[口*賴](二合)(十五) 伊(上)里底里密怛[口*
 賴](二合)(十六) 努謎(十七) 蘇努謎(十八) 妬(引)蘇帝(十九) 遇
 (引)攞吠攞(二十) 左跛攞(二十一) 尾麼攞(二十二) 伊置哩(二十

三) 毘置哩(二十四) 哩置哩(二十五) 尾置哩(二十六) 曩謨罕覩(二合)沒馱南(二十七) 唧哩枳臬(二十八) 遇努呬迦(引)(二十九) 曩謨囉曷(二合)耽(三十) 護(引)囉娜羅(三十一) 嚩囉灑(二合)覩禰嚩(三十二) 三滿帝曩(三十三) 捺捨蘇爾舍(引)蘇(三十四) 曩謨母馱(引)南(三十五) 娑嚩(二合、引)賀(三十六)(引)

「阿難陀！彼金曜孔雀王，忽於一時，忘誦此佛母大孔雀明王陀羅尼，遂與眾多孔雀婁女，從林至林，從山至山，而為遊戲，貪欲愛著，放逸昏迷，入山穴中。捕獵怨家，伺求其便，遂以鳥翮，縛孔雀王。被縛之時，憶本正念，即誦如前佛母大孔雀明王陀羅尼，於所繫縛，自然解脫，眷屬安隱，至本住處。」復說此明王陀羅尼曰：

「曩謨母馱(引)野(一) 曩謨達麼野(二) 曩謨僧(去)伽(去、引)野(三) 曩謨(四) 蘇(上)鞞囉拏(二合、引)(四) 嚩娑(引)薩寫(五) 麼庾(引)囉(引)囉枳孃(二合)(六) 曩謨摩賀麼(引)庾哩曳(二合)(七) 尾爾也(二合)囉枳惹(二合)(八) 怛爾也(二合)他(引)(九) 悉第(十) 蘇悉第(十一) 謨左[寧*頁](十二) 謨剎拏(十三) 目訖帝(二合)(十四) 尾目訖帝(二合)(十五) 阿麼黎(十六) 尾麼黏(十七) [寧*頁](寧逸反)麼黎(十八) 曹譏黎(十九) 呬懶孃藥陸(二十) 囉怛曩(二合)藥陸(二十一) 跋捺嚩(二合)(二十二) 蘇跋捺嚩(二合)(二十三) 三滿多跋捺嚩(二合)(二十四) 薩嚩(引)囉他(二合)娑(引)馱[寧*頁](二十五) 跋羅沫(引)他娑(引)馱[寧*頁](二十六) 薩嚩囉他(二合)鉢囉(二合)嚩(引)馱[寧*頁](二十七) 薩嚩曹譏囉娑(去引)馱[寧*頁](二十八) 麼曩臬(二十九) 麼曩臬(三十) 摩賀麼(引)曩臬(三十一) 曷步帝(三十二) 頰頰室(丁結反)納部(二合)帝(三十三) 頰卒(子律反)帝(三十四) 阿(上)惹嚩(二合)(三十五) 尾惹嚩(三十六) 尾麼黎(三十七) 阿(上)蜜哩(二合)帝(三十八) 阿(上)麼黎(三十九) 阿麼囉拏(四十) 沒囉(二合)憾謎(二合)(四十一) 沒囉(二合)憾麼(二合)娑嚩嚩(四十二) 布囉寧(四十三) 布囉拏(二合)麼努(鼻、引)囉剎(四十四) 蜜哩(二合)多散[口*余](引)嚩[寧*頁](四十五) 室哩(二合、引)跋捺嚩(二合)戰捺嚩(二合)(四十六) 戰捺囉(二合)鉢囉(二合)陸(四十七) 素哩曳(二合)(四十八) 素哩野(二合)建(引)帝(四十九) 味多婆曳(五十) 蘇襪[寧*頁](五十一) 沒囉(二合)憾麼(二合)具(引)曬(五十二) 沒囉(二合)憾麼(二合)乳瑟[齒*來](二合)(五十三) 薩嚩怛囉(二合)(五十四) 鉢囉(二合)底賀帝(五十五) 娑嚩(二合)賀(五十六) 那莫薩嚩沒馱南(五十七) 娑嚩(二合)娑底(二合)麼麼曩薩寫(五十八) 颯跛哩嚩囉乞產(二合、引)(五十九) 屈勿(二合、引)挽(引)覩(六十) [口*余](引)嚩覩(六十一) 襪囉灑(二合)設單鉢扇覩(六十二) 設囉難(引)設單(六十三) 護咎(六十四) 麁咎具咎畝咎(六十五) 娑嚩(二合、引)賀(引)(六十六)」

佛告阿難陀：「往昔金曜孔雀王者，豈異人乎？即我身是。我今復說佛母大孔雀明王心陀羅尼曰：

「怛爾也(二合)他(去、引)(一) 壹底蜜底(二) 底里蜜底(三) 底里弭里蜜底(四) 底黎比(五) 弭里(六) 弭里底弭(七) 底里弭里(八) 蘇(上)頓嘑(引)頓嘑(引)(九) 蘇嘑左(上十) 唧哩枳泉野(十一) 牝那謎膩(十二) 曩謨沒馱南(十三) 唧羯泉鉢囉(二合)多慕黎(十四) 壹底賀嘑(十五) 路(引)呬多慕黎(十六) 膽嘑(十七) 暗嘑(十八) 俱置(十九) 矩曩置(二十) 底囉君(去)左曩置(二十一) 阿拏嘑多(上、引)野(二十二) 襪囉灑(二合)覩禰務(二十三) 曩嘑麼(引)娑(去)(二十四) 娜捨麼(引)細底(二十五) 壹底弭哩(二十六) 枳哩弭哩(二十七) 計攞弭哩(二十八) 計覩母黎(二十九) 努努(鼻)迷蘇努謎爛(三十) 娜哩謎(三十一) 散覩襪[齒*來](三十二) 畝娑襪[齒*來](三十三) 畝薩嘑畝薩嘑(三十四) 暄拏嘑(無博反)罕多(二合)囉計(三十五) 捺迦攞(三十六) 捺迦哩謎(三十七) 佉囉麼囉(三十八) 企黎壹底(三十九) 薩惹黎(四十) 覩吠(四十一) 覩頓迷(四十二) 頰曩[齒*來](四十三) 鉢囉(二合)捺[齒*來](二合)(四十四) 頰拏捺[齒*來](四十五) 嘑囉灑(二合)覩禰務曩謨娜計曩(四十六) 散怛[齒*來]妬(四十七) 三滿帝曩(四十八) 曩(引)囉(引)野拏(四十九) 播(引)囉(引)野拏(五十) 賀哩多(上、引)里(五十一) 君哆(上、引)里(五十二) 伊哩蜜罕底(二合)(五十三) 吉底里蜜罕底(二合)(五十四) 伊(上)謎(引)悉鈿覩(五十五)捺囉(二合、引)弭拏(引)(五十六) 曼怛囉(二合)路那娑嘑(二合、引)賀(五十七)

「阿難陀！此佛母大孔雀明王心陀羅尼，若復有人，欲入聚落應當憶念，於曠野中亦應憶念，在道路中亦常憶念，或在非道路中亦應憶念，入王宮時憶念，逢劫賊時憶念，鬪諍時憶念，水火難時憶念，怨敵會時憶念，大眾中時憶念，或蛇蠍等螫時憶念，為毒所中時憶念，及諸怖畏時憶念，風黃痰癢時憶念，或三集病時憶念，或四百四病一一病生時憶念，若苦惱至時皆當憶念。何以故？若復有人，應合死罪以罰物得脫，應合被罰以輕杖得脫，應合輕杖被罵得脫，應合被罵訶責得脫，應合訶責戰悚得脫，應合戰悚自然解脫，一切憂惱悉皆消散。

「阿難陀！此佛母大孔雀明王真言，一切如來同共宣說，常當受持，自稱己名，請求加護：『願攝受我(某甲)，除諸怖畏，刀杖枷鎖，苦難之時，願皆解脫，常逢利益，不值災危，壽命百歲，得見百秋。』阿難陀！若有人天魔梵、沙門婆羅門等，讀誦受持此佛母大孔雀明王陀羅尼，結其地界，結方隅界，請求加護，一心受持者，我不見有天龍鬼神能為惱害，所謂：天及天婦，天男天女，及天父母，并諸朋屬，如是等類，無能為害；若龍龍婦，龍男龍女，

及龍父母，并諸朋屬，亦不能為害；若阿蘇囉，及婦男女，父母朋屬等，不能為害；若麼嚕多，及婦男女，父母朋屬，等不能為害；若[薩/子]嚕拏，及婦男女，父母朋屬等，不能為害；若彥達嚩，及婦男女，父母朋屬等，不能為害；若緊那囉，及婦男女，父母朋屬等，不能為害；若摩護囉識，及婦男女，父母朋屬等，不能為害；若藥叉，及婦男女，父母朋屬等，不能為害；若囉刹娑，及婦男女，父母朋屬等，亦不能為害；若畢嚩多，及婦男女，父母朋屬等，不能為害；若比舍遮，及婦男女，父母朋屬等，不能為害；若步多，及婦男女，父母朋屬等，亦不能為害；若矩畔拏，及婦男女，父母朋屬等，不能為害；若布單那，及婦男女，父母朋屬等，不能為害；若羯吒布單那，及婦男女，父母朋屬等，不能為害；若塞建那，及婦男女，父母朋屬等，不能為害；若嚕麼那，及婦男女，父母朋屬等，不能為害；若車耶，及婦男女，父母朋屬等，不能為害；若阿鉢娑麼囉，及婦男女，父母朋屬等，不能為害；若塢娑跢羅迦，及婦男女，父母朋屬等，皆不能為害。

「如是等天龍藥叉及諸鬼神，所有親眷朋屬等，發起惡心，伺求人便，作諸障難者，此等天龍鬼神，雖起惡心，不能惱亂持此經者。何以故？由常受持佛母明王陀羅尼故，此等天龍鬼神為惱害者，若還本處，彼類不容入眾；若有違此佛母明王真言，越界法者，頭破作七分，猶如蘭香梢(梵云阿爾迦曼折哩，是蘭香梢頭也；舊云阿梨樹枝者，訛也，西方無阿梨樹)。

「復次阿難陀！又有明王陀羅尼，汝當受持。」即說明曰：

「怛爾也(二合)他(引)(一) 伊(上)里弭里(二) 緊耨契目訖帝(二合)
(三) 蘇目訖帝(二合)(四) 阿(十、引)拏曩(引)拏(五) 蘇曩(引)拏(六)
(六) 嚩囉灑(二合)覩禰舞(引)(七) 跛囉摩拏襪跢(上、引)焰(引)
(八) 阿(引、去)囉(引)播(引)囉(引)(九) 遇(引)怒(引)呬迦(引)(十)
伊(上)里弭里(十一) 比(頻逸反)爾里迦(十二) 嚕努迦(引)(十三) 嚕
嫩努迦(引)(十四) 伊(上)里弭里(十五) 底里弭里(十六) 三滿怛多
(入)訖唎(二合)怛嚩(二合)(十七) 護魯護魯(十八) 呬里呬里(十九)
弭里弭里(二十) 枳哩枳哩室哩(二合)囉(引)拏(二十一) 沒里(二合)衫
(二十二) 畝魯畝魯(二十三) 左羅左羅(二十四) 唧里唧里(二十五)
祖魯祖魯(二十六) 尾置尾置(二十七) 式棄式棄(引)(二十八) 壹置尾
置(二十九) 式棄式棄(三十) 護祖(去)護祖(三十一) 護祖護祖(三十二)
護祖護祖(三十三) 護祖護祖(三十四) 護祖護祖(三十五) 賀囉
賀囉(三十六) 賀囉拏(引)(三十七) 咎陞(引)(三十八) 鉢囉(二合)咎陞
(引)(三十九) 薩嚩訥瑟吒(二合)(四十) 麼努瑟鶻(二合)(四十一) 咎陞
(引)弭(四十二) 麼麼(四十三) 颯跛哩嚩(引)囉寫(四十四) 囉乞創(二
合、引)迦嚕(引)弭(四十五) 爾嚩覩(四十六) 嚩囉灑(二合)設單(四十

七) 鉢捨覩設囉臍(引)設單(四十八) 虞底孕(二合)跛哩怛囉(二合)
 (引)(四十九) 喃跛哩乞囉(二合)憾(五十) 跛哩播(引)攞喃(五十一)
 扇(引)底孕(二合)(五十二) 娑嚩(二合)娑他也(二合)野南(五十三) 難拏
 跛哩賀(引)囉(引、舌呼)(五十四) 尾灑努(引)灑喃(五十五) 尾灑囊(引)
 捨難(五十六) 臬(去、引)麼(引)曼鄧(五十七) 馱囉拏(引)曼蕩左迦嚩
 弭(五十八) 唧怛嚩(二合、引)(五十九) 唧怛囉(二合)麼黎(六十) 賀黎
 (六十一) 賀攞麼黎(六十二) 頗黎(六十三) 頗攞麼黎(六十四) 齧魯
 齧魯(六十五) 佉(上)囉嚩嚩拏(六十六) 味(引)嚩(引)(六十七) 噫曳
 (引)(六十八) 阿魯麼嚩(六十九) 滅除一切毒(七十) 及起惡心者(七
 十一) 根毒牙齒毒(七十二) 飲食中諸毒(七十三) 願以佛威光(七十
 四) 滅除毒害苦(七十五) 素嚩素嚩計(七十六) 嚩囉嚩囉計(七十
 七) 鞞囉計(七十八) 尾哩呬哩(七十九) 一切毒消除(八十) 願勿相
 侵害(八十一) 七佛諸世尊(八十二) 正遍知覺者(八十三) 及以聲聞
 眾(八十四) 威光滅諸毒(八十五) 噫攞(引)謎攞(八十六) 壹里謎攞
 (八十七) 底里底里謎攞(八十八) 底賀努賀(八十九) 尾麼(引)努麼
 (引)(九十) 噫蘇(九十一) 努(鼻)麼(引)(九十一) 遜麼(引)(九十二)
 頓麼(引)(九十三) 三麼頓麼(引)(九十四) 阿(去、引)嬖囊(引)嬖(九
 十五) 矩攞矩嚩囊嬖(九十六) 嚩囉灑(二合)覩禰嚩(無博反)(九十七) 伊
 (上)里枳臬(九十八) 三曼帝囊(九十九) 囊嚩麼娑(引)(一百) 娜娑麼
 娑(引)(一百一) 昧(引)怛哩謎(二合)(一百二) 薩嚩薩怛微(二合、引)數
 (一百三) 畝薩嬖(一百四) 畝娜(引)哩拏(一百五) 計嚩嚩計(一百
 六) 嚩吒迦慕隸(一百七) 伊(上)底攝嚩嚩(一百八) 覩迷鼻覩迷(引)
 (一百九) 畢哩(二合)孕迦嚩(一百十) 阿(引)嚩[齒*來](百十一) 跛哩
 嚩[齒*來]那舞(引)那計(引)囊(百十二) 嚩囉灑(二合)覩禰(引)舞(引)
 (百十三) 囊謨(引)娑誡嚩妬印捺囉(二合)(百十四) 遇(引)跛臬迦(引)
 野(百十五) 壹置吒野(百十六) 遇(引)怒(引)呬迦(引)野(百一十七) 勃
 陵(二合)誡(引)哩迦(引)野(百十八) 阿黎多黎(百十九) 君多黎(百二
 十) 阿(引)捨[寧*頁](百二十一) 播捨[寧*頁](百二十二)(引) 播跛
 [寧*頁]矩黎(百二十三) 囊謨(引)娑(去)誡嚩跢(引)喃(百二十四) 悉鈿
 覩滿怛囉(二合、引)鉢那(引)娑嚩(二合)賀(引)(百二十五)

「毘鉢尸如來， 無憂樹下坐；
 尸棄佛世尊， 依止奔陀利；
 毘舍浮如來， 住在娑羅林；
 拘留孫如來， 尸利娑樹下；
 羯諾迦大師， 烏曇跋羅樹；
 迦葉波善逝， 尼俱陀樹下；
 釋迦牟尼佛， 聖種喬答摩，

坐於菩提樹， 證無上正覺。
是等諸世尊， 皆具大威德，
諸天廣供養， 咸生敬信心。
一切諸鬼神， 皆生歡喜念，
令我常安隱， 遠離於衰厄。

「七佛世尊所說明曰：

「『怛憫也(二合)他(去)(一) 壹里弭里(二) 枳里尾里(三) 計(引) 里嚩里(四) 唵努囉(引)(五) 蘇努謨(引)禰(引)(六) 慕薩囉(七) 護護(八) 迦囉逝(九) 迦囉惹母(引)嚩(十) 壹底捨嚩跢(引)(十一) 矩覩哩(十二) 曩(引)囉(引)野拏(引)(十三) 跛捨[寧*頁](十四) 跛捨跛捨[寧*頁](十五) 劫比囉嚩率覩(二合)(十六) 伊(上)哩嚩(引)悉鈿覩(十七) 捺囉(二合)弭拏(引)(十八) 滿怛囉(二合)跛娜娑嚩(二合、引)賀(十九)(引)』

「復次阿難陀！有大藥叉名，是索訶世界主梵天王、天帝釋、四大天王、二十八藥叉將，共所宣說，若有受持如是大藥叉名者，設有鬼神發起惡心，欲相惱亂者，頭破作七分，猶如蘭香梢。」即說藥叉名曰：

「怛憫也(二合)他(引)(一) 吉(引)底(丁以反)慕嚩嚩嚩慕嚩(二) 三滿多慕隸(三) 阿(引)孃曩孃(四) 矩薩曩孃(五) 伊(上)帝弭帝(六) 播嚩(上) 阿嚩拏句(九) 伊(上)里枳唧里(十) 遇(引)怒(引)呬迦(引)(十一) 唵鈍度麼(引)(十二) 牝娜吠拏(十三)(引)

「願二足吉祥， 四足亦吉祥，
行路中吉祥， 迴還亦吉祥；
願夜中吉祥， 晝日亦吉祥，
一切處吉祥， 勿值諸罪惡，
一切日皆善， 一切宿皆賢。
諸佛皆威德， 羅漢皆斷漏，
以斯誠實言， 願我常吉祥。」

佛告阿難陀：「若讀誦此大明王經時，作如是語：『此大孔雀明王，佛所宣說，願以神力，常擁護我，饒益攝受，為作歸依，寂靜吉祥，無諸災患，刀杖毒藥，勿相侵損。我今依法，結其地界，結方隅界，除諸憂惱，壽命百歲，願度百秋。』

「復次阿難陀！有大藥叉王及諸藥叉將，住大海邊，或住妙高山，及餘諸山，或居曠野，或住諸河、川澤陂池、屍林坎窟、村巷四衢、園苑林樹，或居餘處，有大藥叉住阿拏挽多大王都處，如是等

眾，成願以此佛母大孔雀明王陀羅尼，擁護於我某甲，并諸眷屬，壽命百年。」即說陀羅尼曰：

「怛爾也(二合)他(去)(一) 賀哩賀哩拏(二) 佐里(引)佐里[寧*頁]
(三) 怛囉(二合)跋拏(四) 謨賀[寧*頁](五) 娑擔(二合)婆[寧*頁]
(六) 咎婆[寧*頁](七) 娑嚩(二合)演僕(引)(八) 娑嚩(二合)賀(引)
(九)

「復次阿難陀！東方有大天王，名曰持國，是彥達嚩主，以無量百千彥達嚩而為眷屬，守護東方，彼有子孫、兄弟軍將、大臣雜使，如是等眾。彼亦以此佛母大孔雀明王陀羅尼，擁護於我(某甲)，并諸眷屬，為除憂惱，壽命百歲，願見百秋。陀羅尼曰：

「怛爾也(二合)他(一) 粗粗嚩(二) 粗粗嚩(三) 粗粗(引)嚩(四)
粗粗(引)嚩(五) 粗粗(引)嚩(六) 粗(引)嚩粗(引)嚩(七) 粗(引)嚩謎
娑嚩(二合)賀(八)

「復次阿難陀！南方有大天王，名曰增長，是矩畔拏主，以無量百千矩畔拏而為眷屬，守護南方，彼有子孫、兄弟軍將、大臣雜使，如是等眾，彼亦以此佛母大孔雀明王陀羅尼，擁護於我(某甲)，并諸眷屬，為除憂惱，壽命百歲，願見百秋。陀羅尼曰：

「怛爾也(二合)他(一) 吠嚩計吠嚩計(二) 阿蜜怛囉(二合)加(引)多
(上)[寧*頁](三) 嚩嚩拏嚩底(四) 吠努(鼻音)麼(引)里[寧*頁]
(五) 吠哩[寧*頁](六) 補怛哩(二合)計(七) 祖(去)祖唧祖(八) 娑
嚩(二合)賀(引)(九)

「復次阿難陀！此西方有大天王，名曰廣目，是大龍主，以無量百千諸龍而為眷屬，守護西方，彼有子孫、兄弟軍將、大臣雜使，如是等眾，彼亦以此佛母大孔雀明王陀羅尼，擁護於我(某甲)，并諸眷屬，為除憂惱，壽命百歲，願見百秋。陀羅尼曰：

「怛爾也(二合)他(一) 吠努哩吠努哩(二) 麼置帝麼置帝(三) 句
(引)胝句(引)胝(四) 尾爾庾(二合)麼底(五) 護護護護護護護護
(六) 護嚩護嚩護嚩護嚩護嚩護嚩護嚩護嚩護嚩(七) 祖祖祖祖祖祖祖祖
(八) 左左左左左左左左嚩(引)娑嚩(二合)賀(九)

「復次阿難陀！北方有大天王，名曰多聞，是藥叉主，以無量百千藥叉而為眷屬，守護北方，彼有子孫、兄弟軍將、大臣雜使，如是等眾，彼亦以此佛母大孔雀明王陀羅尼，擁護於我(某甲)，并諸眷屬，為除憂惱，壽命百歲，願見百秋。陀羅尼曰：

「怛爾也(二合)他(引)(一) 素(引)哩素(引)哩(二) 施哩施哩(三) 麼
底賀哩(四) 賀哩麼底(五) 迦哩哩(六) 賀哩哩(七) 閉嚩閉嚩
(八) 氷譏黎(九) 祖魯祖魯(十) 鈍度麼底(十一) 賀單尾衫(十
二) 鈍度麼底娑嚩(二合)賀(引)(十三)

「東方名持國，南方號增長，西方名廣目，北方名多聞天，此四大天王，護世有名稱，四方常擁護，大軍具威德，外怨悉降伏，他敵不能侵，神力有光明，常無諸恐怖。天與阿蘇羅，或時共鬪戰，此等亦相助，令天勝安隱。如是等大眾，亦以此明王，護我并眷屬，無病壽百歲。陀羅尼曰：

「怛爾也(二合)他(一) 噫隸謎隸(二) 底哩謎隸(三) 嚩(引)勢努(鼻)迷努(鼻)努迷(若祈雨時應稱此四句)嚩囉灑(二合)覩禰嚩三滿帝曩(若息災祈願時應云：某甲并諸眷屬，求所願滿)(五) 呬哩弭里(六) 頓吠覩頓吠(七) 頰[齒*來]嚩[齒*來](八) 路跛囉麼努嚩[齒*來](九) 嚩囉灑(二合)覩禰務(十) 誡嚕彥踰(引)野(十一) 頓彌覩頓彌(十二) 鏃計穆計(十三) 伊(上)哩膩(十四) 弭里膩(十五) 呬里呬黎(十六) 護魯護黎(十七) 呬哩弭里(十八) 覩黎多嚕里娑嚩(二合、引)賀(引)(十九)」

天阿蘇羅藥叉等， 來聽法者應志心，
擁護佛法使長存， 各各勤行世尊敦。
諸有聽徒來至此， 或在地上或居空，
常於人世起慈心， 晝夜自身依法住。
願諸世界常安隱， 無邊福智益群生，
所有罪障並消除， 遠離眾苦歸圓寂。
恒用戒香塗瑩體， 常持定服以資身，
菩提妙花遍莊嚴， 隨所住所常安樂。

佛母大孔雀明王經卷上◎

◎佛母大孔雀明王經卷中

開府儀同三司特進試鴻臚卿肅國公食邑三千戶賜紫贈司空謚大鑒正
號大廣智大興善寺三藏沙門不空奉 詔譯

佛告阿難陀：「汝當稱念，大藥叉王及諸大藥叉將名字，所謂：

「矩吠囉長子， 名曰珊逝耶，
常乘御於人， 住弭癡羅國，
以天誠實威， 眾皆從乞願。

「彼亦以此佛母大孔雀明王真言，擁護我(某甲)，并諸眷屬，為除
憂惱，壽命百歲、願見百秋。」即說真言曰：

「怛爾也(二合)他(一) 嚩黎(二) 嚩勒迦(二合)黎(三) 摩蹬倪(四)
戰拏(引)哩(五) 補嚕灑拏(六) 尾唧里[寧*頁](七) 遇(引)哩(八)
摩(引)蹬倪(九) 戰拏(上、引)哩(十) 麼里[寧*頁](十一) 呬哩呬哩
(十二) 阿(去)藥底藥底(十三) 彥馱(引)哩(十四) 句(引)瑟恥(二合)
(十五) 迦(引)嚩哩(十六) 尾賀(引)[寧*頁](十七) 呬哩劍謎娑嚩(二
合)賀(引)(十八)

「羯句忖那神， 波吒梨子處；
阿跋羅爾多， 住罕土奴邑；
賢善大藥叉， 住於世羅城；
摩那波大神， 常居於北界；
大聖金剛手， 住居王舍城，
常在鷲峰山， 以為依止處。
大神金翅鳥， 毘富羅山住；
質怛囉笈多， 質底日溪住；
薄俱羅藥叉， 住於王舍城，
營從并眷屬， 有大威神力。
大小黑藥叉， 劫比羅城住，
是釋族牟尼， 大師所生處。
斑足大藥叉， 吠囉耶城住；
摩醯首藥叉， 止羅多國住；
勿賀娑鉢底， 住於舍衛城；
娑梨囉藥叉， 娑雞多處住；
金剛杖藥叉， 毘舍離國住；
訶里氷藥囉， 力士城中住；

大黑藥叉王， 婆羅拏斯國；
藥叉名善現， 住於占波城；
吠史怒藥叉， 住在墮羅國；
馱羅拏藥叉， 住於護門國；
可畏形藥叉， 住於銅色國；
末達那藥叉， 烏洛迦城住；
呵吒薄俱將， 曠野林中住；
劫比羅藥叉， 住於多稻城；
護世大藥叉， 嚙逝尼國住；
韞蘇步底神， 阿羅挽底住；
水天藥叉神， 婆盧羯泚國；
歡喜大藥叉， 住於歡喜城；
持鬘藥叉神， 住在勝水國；
阿難陀藥叉， 末羅鉢吒國；
白牙齒藥叉， 住於勝妙城；
堅固名藥叉， 末娑底國住；
大山藥叉王， 住在山城處；
婆颯婆藥叉， 住居吠爾勢；
羯底雞藥叉， 住嚙多國；
此藥叉童子， 名聞於大城；
百臂大藥叉， 住在頻陀山；
廣車藥叉神， 羯陵伽國住；
能征戰藥叉， 罕鹿近那國；
雄猛大藥叉， 遏祖那林住；
曼拏波藥叉， 末達那國住；
山峰藥叉神， 住於摩臘婆；
魯捺囉藥叉， 嚙多馬邑；
一切食藥叉， 住於奢羯羅；
波利得迦神， 少智洛雞住；
商主財自在， 住在難勝國；
峰牙及世賢， 跋娑底耶國；
尸婆藥叉王， 住食尸婆城；
寂靜賢藥叉， 住在可畏國；
因陀羅藥叉， 因陀羅國住；
華幢藥叉主， 住於寂靜城；
那嚕迦藥叉， 那嚕迦城住；
劫比羅藥叉， 常在邑城住；
寶賢及滿賢， 住梵摩伐底；

能摧他藥叉， 住建陀羅國；
 能壞大藥叉， 得叉尸羅住；
 驢皮藥叉神， 在於吐山住；
 三蜜藥叉主， 阿努波河側；
 發光明藥叉， 盧鹿迦城住；
 喜長藥叉神， 呬(形孕反)隅摧國住；
 婆以盧藥叉， 住居婆以地；
 愛鬪諍藥叉， 住在濫波城；
 藥踏婆藥叉， 末土羅城住；
 餅腹藥叉王， 住在楞伽城；
 日光明藥叉， 住在蘇那國；
 吼頭山藥叉， 住憍薩羅國；
 勝及大勝神， 住在半尼國；
 圓滿大藥叉， 末羅耶國住；
 緊那羅藥叉， 計羅多國住；
 護雲藥叉王， 住在伴拏國；
 謩拏迦藥叉， 住在安立國；
 僧迦離藥叉， 必登藥哩住；
 引，樂藥叉神， 怛楞藥底住；
 孫陀羅藥叉， 那斯雞國住；
 阿僧伽藥叉， 婆盧羯車住。
 難爾大藥叉， 及子難爾迦，
 此二藥叉王， 羯訶吒住迦。
 垂腹大藥叉， 羯陵伽國住；
 大臂藥叉王， 憍薩羅國住；
 娑悉底迦神， 娑底羯吒國；
 波洛伽藥叉， 常在林中住；
 賢耳大藥叉， 怛胝肩國住；
 勝財藥叉神， 住居陸滿國；
 氣力大藥叉， 毘囉莫迦住；
 喜見藥叉神， 住阿般底國；
 尸騫馱藥叉， 住在牛摧國；
 愛合掌藥叉， 住居吠爾勢；
 陞瑟致得迦， 住在蓋形國；
 調摩竭藥叉， 住在三層國；
 廣目藥叉神， 住居一腋國；
 安拏婆藥叉， 優曇跋羅國；
 無功用藥叉， 憍閃彌羅住；

微盧者那神， 寂靜意城住；
遮羅底迦神， 住居蛇蓋國；
赤黃色藥叉， 劍畢離國住；
薄俱囉藥叉， 嗚逝訶那住；
布喇拏藥叉， 住曼拏比國；
[寧*頁]迦謎沙神， 半遮離城住；
難摧大藥叉， 藥度娑國住；
堅頰藥叉神， 住在水天國；
脯闌逝野神， 住居鬪戰國；
怛洛迦藥叉， 及俱怛洛迦，
二大藥叉王， 住在俱盧土。
大烏嚧佉羅， 及與迷佉羅，
此二藥叉王， 威德具名稱，
并與諸眷屬， 亦住俱盧土。
微帝播底神， 及以義成就，
此二藥叉王， 阿曳底林住。
往成就藥叉， 罕鹿近那住；
罕吐羅藥叉， 住罕吐羅國；
虎力師子力， 并大師子力，
俱胝年大將， 他勝宮中住。
華齒藥叉神， 住在占波城；
摩竭陀藥叉， 住在山行處；
鉢跋多藥叉， 瞿瑜伽處住；
蘇曬那藥叉， 那羯羅國住；
勇臂大藥叉， 娑雞多邑住；
能引樂藥叉， 住在哥乾底；
無勞倦藥叉， 住憍閃彌國；
賢善藥叉神， 住於賢善國；
步多面藥叉， 波吒離子住；
無憂大藥叉， 住在迦遮國；
羯徵羯吒神， 菴婆瑟佉住；
成就義藥叉， 住在天腋國；
曼那迦藥叉， 住在難勝國；
解髮藥叉神， 住居勝水國；
寶林藥叉神， 住先陀婆國；
常謹護藥叉， 劫毘羅國住；
羯吒微羯吒， 迦毘羅衛國；
慳悋藥叉神， 住乾陀羅國；

墮羅藥叉神，膩攞耶堅住；
處中藥叉神，賢善名稱住；
吠璃瑠藥叉，堅實城中住；
染薄迦藥叉，住居沙磧地；
舍多大藥叉，及以毘羯吒，
此二藥叉神，物那撻迦住。
毘摩尼迦神，提婆設摩住；
曼陀羅藥叉，捺羅那國住；
作光藥叉神，羯濕彌羅國；
占博迦藥叉，在羯吒城住；
半支迦藥叉，羯濕彌羅國，
具足五百子，有大軍大力。
長子名肩目，住在支那國，
諸餘兄弟等，憍尸迦國住。
牙足藥叉神，羯陵伽國住；
曼荼羅藥叉，住曼荼藥國；
楞伽自在神，住於迦畢試；
摩利支藥叉，羅摩脚差住；
達摩波羅神，住在於疎勒；
大肩藥叉神，薄伽羅國住。
毘沙門王子，具眾德威嚴，
住在覩火羅，有大軍大力，
一俱胝藥叉，而為其眷屬。
娑多山藥叉，及以雪山神，
此二大藥叉，辛都河側住。
執三戟藥叉，住在三層殿；
能摧大藥叉，羯陵伽國住；
半遮羅獻拏，達彌拏國住；
財自在藥叉，住在師子國；
鸚鵡口藥叉，住於曠野處；
兢羯娑藥叉，常依地下住；
有光明藥叉，白蓮華國住；
設弭羅藥叉，於大城中住；
能破他藥叉，捺羅泥國住；
氷蘖羅藥叉，菴末離國住；
末末拏藥叉，末末拏藏國；
摩怛哩藥叉，住於施欲國；
極覺藥叉神，布底嚩吒國；

那吒矩鞞囉，住於迦畢試；
 鉢囉設囉神，鉢羅多國住；
 商羯羅藥叉，住在爍迦處；
 毘摩質多羅，莫里迦城住；
 水羯羅藥叉，羯得迦國住；
 滿面藥叉神，奔拏鞞達那；
 羯囉羅藥叉，住在烏長國；
 甕腹藥叉神，憍薩羅國住；
 摩竭幢大神，住居沙磧處；
 質怛羅細那，僕迦那國住；
 囉嚩拏藥叉，羅摩陀國住；
 赤黃色藥叉，羅尸那國住；
 樂見藥叉神，鉢尼耶國住。
 金毘囉藥叉，住於王舍城，
 常居毘富羅，有大軍大力，
 萬俱胝藥叉，而為其眷屬。
 瞿波羅藥叉，住在蛇蓋國；
 頰洛迦藥叉，頰洛迦城住；
 難提藥叉神，住在難提國；
 末里大天神，住居村巷處；
 毘沙門居住，佛下寶階處。
 遏拏挽多城，億眾神圍繞，
 如是等藥叉，有大軍大力，
 降伏他怨敵，無有能勝者，
 名稱滿諸方，具足大威德，
 天與阿修羅，戰時相助力。

「此等福德諸神大藥叉將，遍瞻部州，護持佛法，咸起慈心，彼亦以此佛母大孔雀明王真言，常擁護我(某甲)，攝受饒益，令得安隱，所有厄難，皆悉消除。或為刀杖損傷，或被毒中、王賊水火之所逼惱，或為天龍藥叉所持，及諸鬼等乃至畢隸(二合)索迦行惡病者，悉皆遠離於我(某甲)，并諸眷屬。我結地界，結方隅界，讀誦此經，除諸憂惱，壽命百歲，願見百秋。」即說真言曰：

「怛爾也(二合)他(引)(一) 阿(上)迦[齒*來](二) 尾迦[齒*來]
 (三) 訶哩拏(四) 賀(引)哩拏(五) 馱(引)囉拏馱(引)囉拏(六) 護計
 護計(七) 母計母計(八) 我(某甲)所有病苦 賀曩賀曩(九) 賀曩賀
 曩(十) 賀曩賀曩(十一) 賀曩賀曩(十二) 賀曩賀曩(十三) 我(某甲)
 所有恐怖 娜賀娜賀(十四) 娜賀娜賀(十五) 娜賀娜賀(十六) 娜賀

娜賀(十七) 娜賀娜賀(十八) 我(某甲)所有怨家 跛左跛左(十九)
 跛左跛左(二十) 跛左跛左(二十一) 跛左跛左(二十二) 跛左跛左(二十三)
 我(某甲)所有不饒益事 度度度度度度度度度度(二十四) 我(某甲)所有遭毒藥
 賀賀賀賀賀賀賀賀賀賀(二十五) 我(某甲)所有他人厭禱 爾(昔以反)置爾置(二十六)
 爾置爾置(二十七) 爾置爾置(二十八) 爾置爾置(二十九) 爾置爾置(三十)
 我(某甲)所有罪業願皆消滅 祖嚕祖嚕(三十一) 祖嚕祖嚕(三十二) 祖嚕祖嚕(三十三)
 祖嚕祖嚕(三十四) 祖嚕祖嚕(三十五) 呬哩呬哩(三十六) 呬哩呬哩(三十七)
 呬哩呬哩(三十八) 呬哩呬哩(三十九) 呬哩呬哩(四十) 弭哩弭哩(四十一)
 弭哩弭哩(四十二) 弭哩弭哩(四十三) 弭哩弭哩(四十四) 弭哩弭哩(四十五)
 普嚕普嚕(四十六) 普嚕普嚕(四十七) 普嚕普嚕(四十八) 普嚕普嚕(四十九)
 普嚕普嚕(五十) 唧置唧置(五十一) 唧置唧置(五十二) 唧置唧置(五十三)
 唧置唧置(五十四) 唧置唧置(五十五) 呬計(五十六) 弭計(五十七) 唧計(五十八)
 尾計(五十九) 室哩(二合)(六十) 跛捺嚕(二合) 瞢藥黎(引)(六十一) 三(去)滿多
 跛捺嚕(二合)(六十二) 薩嚕(引)囉他(二合)娑(去、引)馱[寧*頁](六十三)
 阿麼嚕(六十四) 尾麼嚕(六十五) 贊捺囉(二合)鉢囉(二合)陛(六十六)
 素(引)哩野(二合)建(去、引)帝(六十七) 弩(鼻)吠(六十八) 怒弩吠(六十九)
 畢哩(二合)孕迦隸(七十) 娑嚕(二合、引)賀(引)(七十一)
 「惟願諸神等，常擁護我(某甲)，并諸眷屬，壽命百歲，願見百秋。」

佛告阿難陀：「復有二十八藥叉大將名號，汝當稱念。此等藥叉大將，能於十方世界，覆護一切眾生，為除衰患厄難之事。有四藥叉大將住於東方，擁護東方所有眾生，令離憂苦，其名曰：

「爾(爾逸反)伽(去)(一) 蘇甯怛囉(二合、引)(二) 布囉拏(二合)迦(三) 劫比攞(四)。

「彼亦以此佛母大孔雀明王，擁護我(某甲)，并諸眷屬，壽命百年(說所求事，皆准此)。

「阿難陀！有四藥叉大將住於南方，擁護南方所有眾生，令離憂苦，其名曰：

「僧(思孕反)賀(一) 塢跛僧賀(二) 餉企攞(三) 難(上)那(四)。

「彼亦以此佛母大孔雀明王，擁護我(某甲)，并諸眷屬，壽命百年(此處說所求事)。

「阿難陀！有四藥叉大將住於西方，擁護西方所有眾生，令離憂苦，其名曰：

「賀囉(一) 賀哩計爍(二) 鉢囉(二合)僕(三) 劫比羅(四)。

「彼亦以此佛母大孔雀明王，擁護我(某甲)，并諸眷屬，壽命百年(說所求事)。

「阿難陀！有四藥叉大將住於北方，擁護北方所有眾生，令離憂苦，其名曰：

「馱羅拏(引)(一) 馱囉難(上)弩(二) 唄爾庾(二合)業播路(三) 尾瑟弩(二合)(四)。

「彼亦以此佛母大孔雀明王，擁護我(某甲)，并諸眷屬，壽命百年(說所求事)。

「阿難陀！有四藥叉大將，各住四維，擁護四維所有眾生，令離憂苦，其名曰：

「半止脚(一) 半者(引)羅嚩拏(入)(二) 娑(去)跢(去、引)儼哩(三) 彥麼嚩多(四)。

「彼亦以此佛母大孔雀明王，擁護我(某甲)，并諸眷屬，壽命百年(說所求事)。

「阿難陀！有四藥叉大將常居於地，擁護所有地居眾生，令離憂苦，其名曰：

「步莫(一) 蘇(上)步莫(二) 迦(引)囉(入)(三) 塢跛迦(引)囉(四)(入)

「彼亦以此佛母大孔雀明王，擁護我(某甲)，并諸眷屬，壽命百年(說所求事)。

「阿難陀！有四藥叉大將常在空居，擁護所有空居眾生，令離憂苦，其名曰：

「素(引)哩野(二合)(一) 素謨(引)(二) 阿儼[寧*頁](二合)(三) 嚩(引)庾(四)。

「彼亦以此佛母大孔雀明王，擁護我(某甲)，并諸眷屬，壽命百年(說所求事)。

「復次阿難陀！汝當稱念，多聞天王兄弟軍將名號，此等擁護一切有情，為除災禍、厄難、憂苦，遊行世間，作大利益，其名曰：

「印捺囉(二合)(一) 素摩(引)(二) 嚩嚩拏(入)(三) 鉢囉(二合)惹跛底(入)(四) 婆(引)囉納縛(二合)惹(入)(五) 伊舍(引)那(六) 室戰(二合)那諾(七) 迦莫(八) 室嚩(二合)瑟姪(二合、引) 矩[寧*頁]建姪(九) [寧*頁]建姪迦(十) 嚩膩麼拏(十一) 麼拏者囉(十二) 鉢囉(十三) 鉢囉(二合)拏(引)那(十四) 塢跛半止去(十五) 娑(引)跢(引)儼哩(十六) 彥麼嚩多(十七) 布囉拏(二合)(十八) 佉(上)爾羅(十九) 句尾諾(二十) 遇跛(引)囉藥叉(二十一) 阿(上)吒嚩句(二十二) 曩囉邏(引)闍(二十三) 爾捺乞灑(二十四) 半者(引)囉嚩拏(二十五) 蘇母契(二十六) 爾(丁逸反)伽藥叉(二十七) 薩跛哩惹諾(二十八) 唧怛囉(二合)細曩(二十九) 濕嚩(二合)彥達嚩(三十) 底哩(二合)頗哩(三十一) 左怛哩(二合)建吒迦(三十二) 爾伽爍底(丁異反)(三十三) 室左(二合)麼(引)多哩(三十四)

「此等藥叉，是大軍主，統領諸神，有大威力，皆具光明，形色圓滿，名稱周遍，是多聞天王法兄弟。多聞天王常勅此等藥叉兄弟：『若諸鬼神侵擾彼人者，汝等為作擁護，勿使惱亂，令得安樂。』諸藥叉聞已，依教奉行。

「此等藥叉大將，亦以此佛母大孔雀明王，守護於我，并諸眷屬，壽命百年；若有鬪諍苦惱之事，現我前時，願藥叉大將，常衛護我(某甲)，并諸眷屬，令離憂苦。或為天龍所持、阿蘇羅所持、麼嚕多所持、誑嚕拏所持、彥達嚩所持、緊那羅所持、摩護羅誑所持、藥叉所持、羅剎娑所持，畢嚩多所魅、比舍遮所魅、步多所魅、矩伴拏所魅、布單那所魅、羯吒布單那所魅、塞建那所魅、嚕麼那所魅、車耶所魅、阿鉢娑麼羅所魅、塢娑踰囉迦所魅、諾剎怛囉所魅、隸跛所魅，為如是等鬼神所持所魅者，願佛母明王，皆擁護我(某甲)，并諸眷屬，令離憂惱壽命百年。

「復有諸鬼：食精氣者、食胎者、食血者、食肉者、食脂膏者、食髓者、食生者、食命者、食祭祠者、食氣者、食香者、食鬘者、食花者、食菓者、食苗稼者、食火祠者、食膿者、食大便者、食小便者、食涕唾者、食涎者、食洩者、食殘食者、食吐者、食不淨物者、食漏水者，如是等鬼魅所惱亂時，願佛母明王，擁護於我(某甲)，并諸眷屬，令離憂苦，壽命百年，願見百秋，常受安樂。若復有人，造諸蠱魅、厭禱呪術，作諸惡法，所謂：訖唎底迦，羯麼拏，迦具唎那，枳囉拏，吠踰拏，賀嚩娜多，嚕度踰多，飲他血髓，變人驅役，呼召鬼神，造諸惡業，惡食惡吐，惡影惡視，或造厭書，或惡跳惡騫，或惡冒逆，作惡事時，皆擁護我(某甲)，并諸眷屬，令離憂苦。又有諸怖：王怖賊怖、水火等怖、或他兵怖、惡友劫殺、怨敵等怖，遭饑饉怖、夭壽死怖、地震動怖、諸惡獸怖，如是等怖，皆護於我(某甲)。

「又復諸病：疥癩瘡癬、痔漏癰疽、身皮黑澁、飲食不消、頭痛半痛、眼耳鼻痛、口唇頰痛、牙齒舌痛，及咽喉痛、胸脅背痛、心痛肚痛、腰痛腹痛、髀痛膝痛，或四肢痛、隱密處痛、瘦病乾癆、遍身疼痛，如是等痛悉皆除滅。又諸瘧病，一日二日、三日四日，乃至七日、半月一月，或復頻日、或復須臾，或常熱病，偏邪癯病，鬼神壯熱，風黃痰癆，或三集病，四百四病，一切瘧病，如是等病，悉令殄滅。我今結其地界，結方隅界，讀誦此經，令得安隱，娑嚩(二合、引)賀(引)。」

「復說伽他曰：

「『令我夜安， 晝日亦安， 一切時中，
諸佛護念。』

「復次阿難陀！有十二大畢舍遮女，亦應稱名。如是鬼女，於菩薩處胎時、初生時及生已，此等鬼女常為守護，其名曰：

「覽麼(一) 尾覽麼(二) 鉢囉(二合)覽麼(三) 塢覽麼(四) 賀哩底(五) 賀哩計試(六) 賀哩水蘂攞(七) 迦哩(八) 迦囉里(八) 劍母乞哩(二合)嚩(九) 迦枳(十) 迦攞戍娜哩者(十一)。

「此等鬼女，有大神力，具大光明，形色圓滿，名稱周遍，天阿蘇羅共戰之時，現大威力。彼亦以此佛母大孔雀明王真言，守護於我(某甲)，并諸眷屬，壽命百年。」真言曰：

「怛爾也(二合)他(一) 賀隸(二) 佉隸(三) 齩隸(四) 麼黎(五) 弭黎(六) 母黎(七) 麼帝(八) 曼膩底計(九) 護嚕護嚕(十) 護嚕護嚕(十一) 護嚕護嚕(十二) 護嚕護嚕(十三) 弭膩弭膩(十四) 弭膩弭膩(十五) 娑嚩(二合)娑底(二合)(十六) 娑嚩(二合)娑底(二合)(十七) 娑嚩(二合)娑底(二合)(十八) 娑嚩(二合)娑底(二合)(十九) 娑嚩(二合)賀

「阿難陀！復有八大女鬼，亦應稱名。是諸女鬼，於菩薩處胎時、初生時及生已，此等女鬼常為守護，其名曰：

「末那(引)(一) 麼娜曩(引)(二) 麼怒得迦(二合)吒(三) 塢跛末娜(四) 畢隸(二合)底(五) 污惹賀(引)哩(引)(六) 阿(上)捨[寧*頁](引)(七) 乞囉(二合)薩寧(引)制底(八)。

「此等女鬼，有大神力，具大光明，形色圓滿，名稱周遍，天阿蘇羅共戰之時，現大威力。彼亦以此佛母大孔雀明王真言，守護於我(某甲)，并諸眷屬，壽命百年。」真言曰：

「怛爾也(二合)他(引)(一) 賀隸(二) 佉(上)隸(三) 齩隸(四) 麼黎(五) 弭黎(六) 母黎(七) 麼帝(八) 曼膩底計(九) 護嚕護嚕(十) 護嚕護嚕(十一) 護嚕護嚕(十二) 護嚕護嚕(十三) 弭膩弭膩(十四) 弭膩弭膩(十五) 娑嚩(二合)娑底(二合)(十六) 娑嚩(二合)娑底(二合)(十七) 娑嚩(二合)娑底(二合)(十八) 娑嚩(二合)娑底迦(二合)(十九) 娑嚩(二合)賀(二十)

「阿難陀！復有七大女鬼，亦應稱名。此諸女鬼，於菩薩處胎時、初生時及生已，此等女鬼常為守護，其名曰：

「阿麁嚕(二合)爾迦(引)(一) 囉乞史(二合)底迦(引)(二) 質怛囉(二合)比舍(引)止迦(引)(三) 布囉拏(二合)跋捺哩(二合)迦(引)(四) 阿儼[寧*頁](二合)囉乞史(二合)底迦(引)(五) 蜜怛囉(二合)迦(引)里迦(引)(六) 乙嚩(二合)史囉乞史(二合)底迦(引)(七) 制底。

「此等女鬼，常噉血肉，觸惱於人，有大神力，具大光明，形色圓滿，名稱周遍，天阿蘇羅共戰之時，現大威力。彼亦以此佛母大孔雀明王真言，守護於我(某甲)，并諸眷屬，壽命百年。」真言曰：

「怛爾也(二合)他(一) 賀嘯(二) 佉(上)嘯(三) 齟嘯(四) 麼黎(五) 弭黎(六) 母黎(七) 麼帝(八) 曼膩底計(九) 護嚕護嚕(十) 護嚕護嚕(十一) 護嚕護嚕(十二) 護嚕護嚕(十三) 弭膩弭膩(十四) 弭膩弭膩(十五) 娑嚕(二合)娑底(二合)(十六) 娑嚕(二合)娑底(二合)(十七) 娑嚕(二合)娑底(二合)(十八) 娑嚕(二合)娑底(二合)(十九) 娑嚕(二合)賀(引)(二十)

「阿難陀！復有五大女鬼，當稱彼名。此女鬼等於菩薩處胎時、初生時及生已，此等女鬼常為守護，其名曰：

「君(上)姪(引)(一) [寧*頁]君(上)姪(引)(二) 難(上)娜(引)(三) 尾史努(二合)攞(引)(四) 劫比攞(引)(五)。

「此等女鬼，有大神力，具大光明，形色圓滿，名稱周遍，天阿蘇羅共戰之時，現大威力。彼亦以此佛母大孔雀明王真言，守護於我(某甲)，并諸眷屬，壽命百年。」真言曰：

「怛爾也(二合)他(引)(一) 賀嘯(二) 佉(上)嘯(三) 齟嘯(四) 麼黎(五) 弭黎(六) 母黎(七) 麼帝(八) 曼膩底計(九) 護嚕護嚕(十) 護嚕護嚕(十一) 護嚕護嚕(十二) 護嚕護嚕(十三) 弭膩弭膩(十四) 弭膩弭膩(十五) 娑嚕(二合)娑底(二合)(十六) 娑嚕(二合)娑底(二合)(十七) 娑嚕(二合)娑底(二合)(十八) 娑嚕(二合)娑底(二合)(十九) 娑嚕(二合)賀(引)(二十)

「阿難陀！復有八大羅剎女，於菩薩處胎時、初生時及生已，此等羅剎女常為衛護，其名曰：

「謨(引)賀(一) 蘇(上)試(引)麼(鼻)(二) 矩舍(引)乞史(二合、引)(三) 計矢[寧*頁](引)(四) 劍冒(引)餌(引)(五) 蘇(上)蜜怛囉(二合)(六) 路呬踰(引)乞史(二合)(七) 迦(引)者囉(引)(八)。

「此等羅剎女，有大神力，具大光明，形色圓滿，名稱周遍，天阿蘇羅共戰之時，現大威力。常取童男童女，血肉充食，入新產家及空宅處，隨光而行，喚人名字，歛人精氣，甚可怖畏，驚恐於人，無慈愍心。彼亦以此佛母大孔雀明王真言，守護於我(某甲)，并諸眷屬，壽命百年。」真言曰：

「怛爾也(二合)他(一) 賀嘯(二) 佉(上)嘯(三) 齟嘯(四) 麼黎(五) 弭黎(六) 母黎(七) 麼帝(八) 曼膩底計(九) 護嚕護嚕(十) 護嚕護嚕(十一) 護嚕護嚕(十二) 護嚕護嚕(十三) 弭膩弭膩(十四) 弭膩弭膩(十五) 娑嚕(二合)娑底(二合)(十六) 娑嚕(二合)娑底(二合)(十七) 娑嚕(二合)娑底(二合)(十八) 娑嚕(二合)娑底(二合)(十九) 娑嚕(二合)賀(引)(二十)

「阿難陀！復有十大羅剎女，於菩薩處胎時、初生時及生已，此等羅剎女常為衛護，其名曰：

「賀哩底羅刹女(一) 難(上)那羅刹女(二) [冰-水+(洗-洗+水)](必孕反)藥囉羅刹女(三) 餉棄[寧*頁]羅刹女(四) 迦以迦羅刹女(五) 彌嚩蜜怛羅羅刹女(六) 禁婆羅羅刹女(七) 君娜牙羅刹女(八) 覽尾迦羅刹女(九) 阿曩羅羅刹女(十)。

「此等羅刹女，有大神力，具大光明，形色圓滿，名稱周遍，天阿蘇羅共戰之時，現大威力。彼亦以此佛母大孔雀明王真言，守護於我(某甲)，并諸眷屬，壽命百年。」真言曰：

「怛爾也(二合)佗(一) 賀嚩(二) 佉(上)嚩(三) 嚩嚩(四) 麼黎(五) 弭黎(六) 母黎(七) 麼帝(八) 曼膩底計(九) 護魯護魯(十) 護魯護魯(十一) 護魯護魯(十二) 護魯護魯(十三) 弭膩弭膩(十四) 弭膩弭膩(十五) 娑嚩(二合)娑底(二合)(十六) 娑嚩(二合)娑底(二合)(十七) 娑嚩(二合)娑底(二合)(十八) 娑嚩(二合)娑底(二合)(十九) 娑嚩(二合)賀(引)(二十)

「阿難陀！復有十二大羅刹女，於菩薩處胎時、初生時及生已，此等羅刹女常為衛護，其名曰：

「無主羅刹女(一) 大海羅刹女(二) 毒害羅刹女(三) 施命羅刹女(四) 明智羅刹女(五) 持弓羅刹女(六) 持爍底羅刹女(七) 持刀羅刹女(八) 持犁羅刹女(九) 持輪羅刹女(十) 輪團羅刹女(十一) 可畏羅刹女(十二)。

「此等羅刹女，有大神力，具大光明，形色圓滿，名稱周遍，天阿蘇羅共戰之時，現大威力。彼亦以此佛母大孔雀明王真言，守護於我(某甲)，并諸眷屬，壽命百年。」真言曰：

「怛爾也(二合)他(一) 賀嚩(二) 佉(上)嚩(三) 嚩嚩(四) 麼梨(五) 弭黎(六) 母黎(七) 麼帝(八) 曼膩底計(九) 護魯護魯(十) 護魯護魯(十一) 護魯護魯(十二) 護魯護魯(十三) 弭膩弭膩(十四) 弭膩弭膩(十五) 娑嚩(二合)娑底(二合)(十六) 娑嚩(二合)娑底(二合)(十七) 娑嚩(二合)娑底(二合)(十八) 娑嚩(二合)娑底(二合)(十九) 娑嚩(二合)賀(引)(二十)

「阿難陀！復有十二天母，於諸有情，常為觸惱驚怖欺誑。此諸天母，於菩薩處胎時、及初生時及生已，此天母等常為衛護，其名曰：

「沒囉(二合)憾銘(二合)(一) 嚩捺哩(二合)(二) 矯麼哩(引)(三) 吠瑟拏(二合)微(四) 愛(引)捺哩(二合)(五) 嚩囉呬(六) 矯吠哩(七) 嚩嚩拏(八) 夜弭野(二合)(九) 嚩葉尾野(二合)(十) 阿佉[寧*頁](二合)曳(十一) 摩賀迦離(十二)。

「此等天母，有大神力，具大光明，形色圓滿，名稱周遍，天阿蘇羅共戰之時，現大威力。彼亦以此佛母大孔雀明王真言，守護於我(某甲)，并諸眷屬，壽命百年。」真言曰：

「怛爾也(二合)他(一) 賀嘑(二) 佉(上)嘑(三) 齧嘑(四) 麼嘑(五) 弭黎(六) 母黎(七) 麼帝(八) 曼膩底計(九) 護嚕護嚕(十) 護嚕護嚕(十一) 護嚕護嚕(十二) 護嚕護嚕(十三) 弭膩弭膩(十四) 弭膩弭膩(十五) 娑嚩(二合)娑底(二合)(十六) 娑嚩(二合)娑底(二合)(十七) 娑嚩(二合)娑底(二合)(十八) 娑嚩(二合)娑底(二合)(十九) 娑嚩(二合)賀(引)(二十)

「阿難陀！復有一大畢舍支女，名曰一髻，是大羅刹婦，居大海岸，聞血氣香，於一夜中，行八萬踰繕那。於菩薩處胎時、初生時及生已，此羅刹婦常為衛護。彼亦以此佛母大孔雀明王真言，守護於我(某甲)，并諸眷屬，壽命百年。」真言曰：

「怛爾也(二合)他(一) 賀[口*(隸-木+上)](二) 佉(上)嘑(三) 齧嘑(四) 麼黎(五) 弭黎(六) 母黎(七) 麼帝(八) 曼膩底計(九) 護嚕護嚕(十) 護嚕護嚕(十一) 護嚕護嚕(十二) 護嚕護嚕(十三) 弭膩弭膩(十四) 弭膩弭膩(十五) 娑嚩(二合)娑底(二合)(十六) 娑嚩(二合)娑底(二合)(十七) 娑嚩(二合)娑底(二合)(十八) 娑嚩(二合)娑底(二合)(十九) 娑嚩(二合)賀(引)(二十)

「阿難陀！復有七十三大羅刹女，彼等於菩薩處胎時、初生時及生已，此羅刹女等常為守護，其名曰：

「劫比囉羅刹女 鉢努摩羅刹女 麼呬史羅刹女 謨哩迦羅刹女 娜膩迦羅刹女 崙(入聲) 入嚩攞[寧*頁]羅刹女 答跋[寧*頁]羅刹女 羯攞施羅刹女 尾麼羅羅刹女 馱囉拏羅刹女 賀哩室戰(二合)捺囉(二合)羅刹女 嚩呬拏羅刹女 摩哩支羅刹女 護踰捨[寧*頁]羅刹女 嚩嚕拏羅刹女 迦離羅刹女 君惹羅羅刹女 末羅羅刹女 藥散[寧*頁]羅刹女 迦囉離羅刹女 摩蹬儼羅刹女 [冰-水+(洗-洗+水)]藥羅羅刹女 頻拏囉羅刹女 具哩羅刹女 嚩馱里羅刹女 矩伴膩羅刹女 迦[口*朗]儼羅刹女 婆囉[寧*頁]羅刹女 末娜寧羅刹女 阿捨[寧*頁]羅刹女 食胎羅刹女 食血羅刹女 包齒羅刹女 驚怖羅刹女 沒羅憾彌羅刹女 怛拏囉播囉羅刹女 持金剛羅刹女 塞奢那羅刹女 答摩羅刹女 行兩羅刹女 震雷羅刹女 擊聲羅刹女 擊電羅刹女 足行羅刹女 炬口羅刹女 持地羅刹女 黑夜羅刹女 焰摩使羅刹女 無垢羅刹女 不動羅刹女 高髻羅刹女 百頭羅刹女 百臂羅刹女 百日羅刹女 常害羅刹女 摧破羅刹女 貓兒羅刹女 末拏囉羅刹女 夜行羅刹女 晝行羅刹女 愛粧羅刹女 忿怒羅刹女 留難羅刹女 持刀棒羅刹女 持三戟叉羅刹女 牙出羅刹女 意喜羅刹女 寂靜羅刹女 燥暴羅刹女 難多羅刹女 呬林摩羅刹女 青色羅刹女 質怛囉羅刹女。

「此等七十三諸羅刹女，有大神力，具大光明，形色圓滿，名稱周遍，天阿蘇羅共戰之時，現大神力。彼亦以此佛母大孔雀明王真

言，守護於我(某甲)，并諸眷屬，壽命百年。」真言曰：

「怛爾也(二合)他(一) 呬哩呬哩(二) 弭哩弭哩(三) 怛拏多嚩孃
(四) 嚩計嚩計(五) 護(引)嚩護(引)嚩(六) 馱羅馱羅(七) 賀囉賀
囉(八) 左擺左擺(九) 祖魯祖魯娑嚩(二合)賀(引)(十) 曩莫薩嚩母
馱南(引)(十一) 娑嚩(二合)賀(十二) 鉢囉(二合)底曳(二合)迦母馱南
(引)娑嚩(二合)囉曷(二合)擔(引)娑嚩(二合)賀(十三) 每(引)怛嚩(二合)
野寫冒(引)地薩怛嚩(二合、引)寫娑嚩(二合)賀(十四) 薩嚩肩(引)地薩
怛嚩(二合)南(引)娑嚩(二合、引)賀(十五) 阿曩誡(引)弭南(引)娑嚩(二
合)賀(十六) 塞訖哩(二合)娜誡弭南娑嚩(二合)賀(十七) 素嚩(二合)跢
半曩(引)南(引)娑嚩(二合)賀(十八) 三(去)藐藥跢(引)南娑嚩(二合)賀
(十九) 底半曩(引)南(引)娑嚩(二合)賀(引)(二十) 沒羅(二合)憾麼(二
合)野娑嚩(二合)賀(二十一) 印捺囉(二合)野娑嚩(二合)賀(二十二) 鉢
囉(二合)惹(引)跛多(上)曳娑嚩(二合)賀(二十三) 伊舍(引)曩(引)野娑
嚩(二合)賀(二十四) 阿(上)佉曩(二合)曳(引)娑嚩(二合)賀(二十五) 嚩
(引)野吠(引)娑嚩(二合)賀(二十六) 嚩嚩拏(鼻、引)野娑嚩(二合)賀(二
十七) 琰麼(鼻、引)野娑嚩(二合)賀(二十八) 塢遍捺囉(二合)野娑嚩
(二合)賀(二十九) 吠(引)室囉(二合)摩拏(鼻、引)野(三十) 藥乞灑(二
合)地鉢多(上)曳(引)娑嚩(二合)賀(三十一) 地哩(二合)多(上)囉(引)瑟
吒囉(二合、引)野(三十二) 彥達嚩(引)地鉢多曳娑嚩(二合)賀(三十
三) 尾嚩(引)荼(去)迦(引)野(三十四)(引) 禁泮(引)拏(上、引)地鉢多
(上)曳(引)娑嚩(二合)賀(三十五) 尾嚩(引)博(引)乞灑(二合)野(三十
六) 曩(引)誡(引)地鉢多(上)曳娑嚩(二合)賀(三十七) 禰嚩喃(引)娑嚩
(二合)賀(三十八) 曩(引)誡(引)南(引)娑嚩(二合)賀(三十九) 阿(上)蘇
(上)囉(引)南(引)娑嚩(二合)賀(引)(四十) 麼嚩跢南(引)娑嚩(二合)賀
(四十一) 誡嚩拏(去、引)南(引)娑嚩(二合)賀(四十二) 彥達嚩(引)南
(引)娑嚩(二合)賀(四十三) 緊那囉(引)南(引)娑嚩(二合)賀(四十四) 摩
護(引)囉誡(引)南(引)娑嚩(二合)賀(四十五) 藥乞灑(二合)南(引)娑嚩
(二合)賀(四十六) 囉(引)乞察(二合)娑(引)南(引)娑嚩(二合)賀(四十
七) 畢嚩(二合)跢(引)南(引)娑嚩(二合)賀(四十八) 比舍(引)左(引)南
(引)娑嚩(二合)賀(四十九) 部跢(引)南(引)娑嚩(二合)賀(五十) 禁伴
(引)拏(上)南(引)娑嚩(二合)賀(五十一) 布旦曩南(引)娑嚩(二合)賀(五
十二) 羯吒布旦曩(引)南(引)娑嚩(二合)賀(五十三) 塞建(二合)娜(引)
南(引)娑嚩(二合)賀(五十四) 啞麼(鼻)娜南娑嚩(二合)賀(五十五) 車
耶南娑嚩(二合)賀(五十六) 阿鉢娑麼(二合)囉南娑嚩(二合)賀(五十
七) 塢娑跢(二合)囉迦南娑嚩(二合)賀(五十八) 贊捺囉(二合)素哩野
(二合)喻娑嚩(二合)賀(五十九) 諾乞察(二合)怛囉(二合)喃娑嚩(二合)賀
(六十) 佉囉(二合)賀喃娑嚩(二合)賀(六十一) 乳(昔庚反)底釤娑嚩(二
合)賀(六十二) 乙唵(二合)史喃娑嚩(二合)賀(六十三) 悉馱沒囉(二合)

跢(引)南娑嚩(二合)賀(六十四) 悉地野(二合)尾爾也(二合)南娑嚩(二合)賀(六十五) 遇哩曳娑嚩(二合)賀(六十六) 彥馱哩曳娑嚩(二合)賀(六十七) 曩廡里曳娑嚩(二合)賀(六十八) 阿蜜嚩(二合)跢曳娑嚩(二合)賀(六十九) 咎婆[寧*頁]曳娑嚩(二合)賀(七十) 佐(引)閉置(引)曳娑嚩(二合)賀(七十一) 捺囉(二合)弭膩曳娑嚩(二合)賀(七十二) 捨嚩哩曳娑嚩(二合)賀(七十三) 阿闍嚩捨嚩羅(引)曳娑嚩(二合)賀(七十四) 贊拏(上)里曳娑嚩(二合)賀(七十五) 麼蹬儼(研以反)曳娑嚩(二合)賀(七十六) 曩誡乞哩(二合)[口*乃]夜(引)野娑嚩(二合)賀(七十七) 誡嚩拏紇哩(二合)[口*乃]夜(引)野娑嚩(二合)賀(七十八) 麼(鼻)曩泉曳娑嚩(二合)賀(七十九) 摩賀摩曩泉曳娑嚩(二合)賀(八十) 灑拏乞灑(二合)哩曳娑嚩(二合)賀(八十一) 麼拏(尼貞反)跋捺囉(二合)野娑嚩(二合)賀(八十二) 三滿多跋捺囉(二合)野娑嚩(二合)賀(八十三) 摩賀三滿多跋捺囉(二合)野娑嚩(二合)賀(八十四) 摩賀三麼野娑嚩(二合)賀(八十五) 摩賀(引)鉢囉(二合)底細囉野娑嚩(二合)賀(八十六) 試多嚩曩野娑嚩(二合)賀(八十七) 摩賀試多嚩曩野娑嚩(二合)賀(八十八) 摩賀難(上)拏馱囉拏曳娑嚩(二合)賀(八十九) 母咎隣娜野娑嚩(二合)賀(九十) 惹演底曳娑嚩(二合)賀(引)(九十一) 扇底曳娑嚩(二合)賀(引)(九十二) 阿濕嚩(二合)訖哩(二合)多(引)野娑嚩(二合)賀(九十三) 摩賀麼庾里野(二合)尾爾野(二合)囉惹野娑嚩(二合)賀(九十四)

「如是等大明大真言、大結界、大護，能除滅一切諸惡。願破一切呪術惡業，願除滅蠱魅厭禱。願除滅具嚩那、枳囉拏、吠多拏、質遮、畢嚩灑迦。願除滅塞建那、唵麼那、車耶、阿鉢娑麼囉。願除滅顛狂癩病、消瘦疥癩。願除滅種種鬼魅、諸惡食者。願除滅飲他血髓、變人驅役、呼召鬼神、造惡業者。願除滅諸怖：王怖賊怖、水火等怖、惡友劫殺、怨敵等怖、他兵饑饉、夭壽死怖、地動惡獸及諸死怖。願除滅惡食惡吐、惡影惡視、作厭書者。願除滅惡跳惡驀、作惡冒逆者。願除滅一切瘡病，一日二日、三日四日，乃至七日、半月一月，或復頻日、或復須臾，或常熱病等。願除滅一切瘡癩、痔漏癰疽、偏邪癭病、鬼神壯熱、風黃痰癢、或三集病、四百四病。願除滅頭痛半痛、飲食不消、眼耳鼻痛、口脣頰痛，願除滅牙齒舌痛、咽喉痛、胸脅背痛、心痛肚痛，願除滅腰痛腹痛、髀痛膝痛、及四支痛、隱密處痛、及遍身疼痛。願除滅龍毒蛇毒、藥毒呪毒、蠱毒魅毒，一切諸毒悉皆殄滅。如是等一切鬼魅、惡病生時，皆擁護我(某甲)，并諸眷屬，悉令解脫，壽命百年。

「復次阿難陀！汝當稱念，諸龍王名字。此等福德龍王，若稱名者，獲大利益，其名曰：

「佛世尊龍王 梵天龍王 帝釋龍王 焰摩龍王 大海龍王 海子龍王 娑藥囉龍王 娑藥羅子龍王 摩竭龍王 難陀龍王 塢波難馱

龍王 那羅龍王 小那羅龍王 善見龍王 婆蘇枳龍王 德叉迦龍
 王 阿嚕拏龍王 婆嚕拏龍王 師子龍王 有吉祥龍王 吉祥因龍
 王 吉祥增長龍王 吉祥賢龍王 無畏龍王 大力龍王 設臘婆龍
 王 妙臂龍王 妙高龍王 日光龍王 月光龍王 大吼龍王 震聲
 龍王 雷電龍王 擊發龍王 降雨龍王 無垢龍王 無垢光龍王
 頰洛迦頭龍王 跋洛迦頭龍王 馬頭龍王 牛頭龍王 鹿頭龍王
 象頭龍王 濕力龍王 歡喜龍王 奇妙龍王 妙眼龍王 妙軍龍
 王 護嚕拏龍王 那母止龍王 母止龍王 母止隣陀龍王 羅娑拏
 龍王 羅笈婆龍王 室里龍王 山孤龍王 濫母嚕龍王 有蟲龍
 王 無邊龍王 羯諾迦龍王 象羯磋龍王 黃色龍王 赤色龍王
 白色龍王 [醫-西+言]囉葉龍王 商佉龍王 阿跛羅龍王 黑龍
 王 小黑龍王 力天龍王 那羅延龍王 劍麼羅龍王 石膊龍王
 彌伽龍王 信度龍王 嚩芻龍王 泉多龍王 吉慶龍王 無熱惱池
 龍王 善住龍王 [醫-西+言]羅跋拏龍王 持地龍王 持山龍王
 持光明龍王 賢善龍王 極賢善龍王 世賢龍王 力賢龍王 寶珠
 龍王 珠朧龍王 二黑龍王 二黃龍王 二赤龍王 二白龍王 花
 鬘龍王 赤花鬘龍王 犢子龍王 賢句龍王 鼓音龍王 小鼓音龍
 王 菴末羅津龍王 寶子龍王 持國龍王 增長龍王 廣目龍王
 多聞龍王 車面龍王 占筭野迦龍王 驕答摩龍王 半遮羅龍王
 五髻龍王 光明龍王 頻度龍王 小頻度龍王 阿力迦龍王 羯力
 迦龍王 跋力迦龍王 曠野龍王 緊質[寧*頁]龍王 緊質迦龍
 王 緝馱迦龍王 黑驕答摩龍王 蘇麼那龍王 人龍王 根人龍
 王 上人龍王 摩蹬迦龍王 曼拏洛迦龍王 非人龍王 頰拏迦龍
 王 最勝龍王 難勝龍王 末攞迦龍王 阿嚕迦龍王 [醫-西+言]
 羅龍王 [醫-西+言]囉鉢拏龍王 阿囉婆路龍王 麼羅婆路龍王
 摩那私龍王 羯句擿迦龍王 劫比羅龍王 勢婆洛迦龍王 青蓮華
 龍王 有爪龍王 增長龍王 解脫龍王 智慧龍王 極解脫龍王
 毛綫馬勝二龍王 [醫-西+言]羅迷羅二龍王 難陀跋難陀二龍王
 阿齒羅龍王 大善現龍王 遍黑龍王 遍虫龍王 妙面龍王 鏡面
 龍王 承迎龍王 嚩馱囉龍王 師子洲龍王 達弭拏龍王 二黑龍
 王 二白龍王 二小白龍王。

「如是等諸大龍王而為上首，及種類眷屬，於此大地，或時震響，
 或放光明，或降甘雨，成熟苗稼，已曾見如來，受三歸依，并受學
 處，奪金翅鳥怖、離火沙怖、免王役怖，常持大地，住大寶宮，壽
 命長遠，有大勢力，富貴自在，無量眷屬，具足神通，能摧怨敵，
 有大光明，形色圓滿，名稱周遍，天與修羅共戰之時，助威神力，
 令天得勝。彼諸龍王，所有子孫、兄弟軍將、大臣雜使，皆亦以此
 佛母大孔雀明王真言，守護於我(某甲)，并諸眷屬，令離憂苦，壽

命百年。我及眷屬，若清淨、若不清淨、若迷醉、若放逸、若行住坐臥、若睡覺來去，一切時中，願皆擁護我等。或為天怖、龍怖、阿蘇羅怖、麼嚕多怖、誑嚕拏怖、彥達嚩怖、緊那羅怖、摩護囉誑怖、藥叉所怖、囉剎娑怖、畢隸多怖、比舍遮怖、步多所怖、矩佉拏怖、布單那怖、羯吒布單那怖、塞騫那怖、唵麼那怖、車耶所怖、阿鉢娑麼囉怖、塢娑跢羅迦怖，如是等怖悉皆遠離。又有諸怖：王怖賊怖、水火等怖、惡友劫殺怨敵等怖，或他兵怖、遭饑饉怖、夭壽死怖、地震動怖、諸惡獸怖，所有一切恐怖之時，令我(某甲)并諸眷屬，悉皆解脫。復說伽他曰：

「『令我夜安隱， 晝日亦吉祥，
於一切時中， 諸佛常護念。』

「南謨窣覩(二合)母馱野 南謨窣覩(二合)冒馱曳 南謨窣(二合)覩尾
目訖多(二合)野 南謨窣覩(二合)尾目訖多曳 南謨窣覩(二合)扇多
野 南謨窣覩(二合)扇多曳 南謨窣覩(二合)尾目訖多野 南謨窣覩
(二合)尾目訖多曳

「諸有淨行婆羅門， 能除一切諸惡業，
如是等眾我歸依， 擁護我身并眷屬。」
天阿蘇羅藥叉等， 來聽法者應志心，
擁護佛法使長存， 各各勤行世尊教。
諸有聽徒來至此， 或在地上或居空，
常於人世起慈心， 日夜自身依法住。
願諸世界常安隱， 無邊福智益群生，
所有罪業並消除， 遠離眾苦歸圓寂。
恒用或香塗瑩體， 常持定服以資身，
菩提妙花遍莊嚴， 隨所住處常安樂。

佛母大孔雀明王經卷中

佛母大孔雀明王經卷下

開府儀同三司特進試鴻臚卿肅國公食邑三千戶賜紫贈司空諡大鑒正
號大廣智大興善寺三藏沙門不空奉 詔譯

佛告阿難陀：「過去七佛，正遍知者，亦復隨喜宣說佛母明王真言，汝當受持。微鉢尸如來正遍知者，亦隨喜宣說，此佛母大孔雀明王真言曰：

「怛爾也(二合)他(一) 阿囉孃(二) 迦囉孃(三) 麼孃(四) 麼娜爾
襪馱寧(五) 阿(上)嚩嚩(六) 捨嚩嚩(七) 覩嚩覩嚩(八) 母嚩母嚩
(九) 捨嚩嚩(十) 鉢囉拏(二合)捨嚩嚩(十一) 戶止(十二) 戶止(十
三) 戶止(十四) 戶止(十五) 戶止(十六) 娑嚩(二合、引)賀(引)(十
七)

「復次阿難陀！尸棄如來正遍知者，亦隨喜宣說，此佛母大孔雀明王真言曰：

「怛爾也(二合)他(去)(一) 壹[齒*來]弭[齒*來](二) 嚩嚩(三) 尾
嚩嚩(四) 呬里(五) 弭哩(六) 計覩母黎(七) 暗嚩嚩(八)(引) 暗
嚩嚩(引)嚩底(丁以反)(九) 努謎怒(引)努謎(十) 呬里呬里(十一) 矩
止矩止(十二) 母止母止(十三) 娑嚩(二合)賀(十四)(引)

「復次阿難陀！毘舍浮如來正遍知者，亦隨喜宣說，此佛母大孔雀明王真言曰：

「怛爾也(二合)他(引)(一) 慕(引)哩慕哩(二) 計跛知(三) 滿膩滿
膩底計(四) 賀嚩賀嚩(五) 佉嚩(六) 伽嚩(七) 頗(上)嚩(八) 頗
黎(九) 頗里[寧*頁]難(上)帝(十) 難底[寧*頁](十一) 難底黎(十
二) 捨迦知麼迦知(十三) 曩孃(十四) 曩膩[寧*頁](十五) 試哩試
哩(十六) 試哩試哩(十七) 娑嚩(二合、引)賀(十八)(引)

「復次阿難陀！羯句忒那如來正遍知者，亦隨喜宣說，此佛母大孔雀明王真言曰：

「怛爾也(二合)他(引)(一) 呬膩(二) 弭膩(三) 矩膩母膩(四) 覩
膩(五) 頰孃難(上)帝(六) 難底黎(七) 爍迦哩(八) 斫迦哩(九)
他(上)譏哩(十) 多(去)譏哩(十一) 建左寧(十二) 建(引)左曩(引)嚩
底(十三) 嚩嚩嚩嚩(十四) 嚩嚩嚩嚩(十五) 難帝悉地(十六) 娑嚩
(二合、引)賀(十七)(引)

「復次阿難陀！羯諾迦牟尼如來正遍知者，亦隨喜宣說，此佛母大孔雀明王真言曰：

「怛爾也(二合)他(引)(一) 難(上)多黎(二) 怛多黎(三) 怛多黎
(四) 多羅妬(引)多(上)黎(五) 味(引)嚩尾惹曳(六)(平、引) 尾孺
(引)馱嚩(七) 阿囉齋(惹曳反)(八) 尾囉齋尾囉惹麼斯(九) 麼底

(十) 麼里(十一) 麼(引)里[寧*頁](十二) 門(上)孃(引)試囉門(上)孃
(十三) 入囉(二合、引)黎(十四) 入囉(二合、引)黎(十五) 入囉(二合)
黎(十六) 跋捺囉(二合)囉底(十七) 悉地娑囉(二合、引)賀(十八)(引)
「復次阿難陀！迦攝波如來正遍知者，亦隨喜宣說，此佛母大孔雀
明王真言曰：

「怛爾也(二合)他(一)(引) 頰拏(上)嚟(二) 建拏嚟(三) 曼拏嚟
(四) 騫(去)拏嚟(五) 咎謀(六) 咎謀曩爾(七) 咎謀囉底(八) 滿
帝曼膩底計(九) 阿麼嚟(十) 僧(思孕反)係(十一) 賀囉賀囉(十二)
賀囉賀囉(十三) 跋輸跋輸跋輸(十四) 跋輸跋輸(十五) 鉢底悉底娑
囉(二合、引)賀(引)(十六)

「阿難陀！我釋迦牟尼如來正遍知者，亦隨喜宣說，此佛母大孔雀
明王真言，為欲利益諸有情故。真言曰：

「怛爾也(二合)他(引)(一) 呬哩弭哩(二) 枳哩弭哩(三) 伊(上)里
黎(四) 羯怛黎(五) 計覩囉黎(六) 阿拏麼里(七) 納脾聶脾(八)
沒薩囉計(九) 沒薩[齒*來](十) 怛囉(二合)騫禰(十一) 迦(引)麼哩
(十二) 劍母捺哩(二合)(十三) 怛嚕怛嚕(十四) 囉囉拏(十五) 鉢囉
(二合)訖哩(二合)底能(上)瑟[齒*來](二合)(十六) 弭里多黎(十七) 伊
(上)底賀(引)細(十八) 阿左黎(十九) 咄多黎(二十) 囉枳黎(二十一)
囉致囉致底計(二十二) 撈吒膽吠(若祈雨時應云)囉囉灑(二合)覩
禰囉(若息災求願之時應云)悉鈿覩滿怛羅(二合)鉢那(二十三) 曩謨婆(去)
誡囉妬(二十四)(引) 伊(上)哩惹曳(二十五) 遇(引)怒呬迦(引)曳(二十六)
勃陵(二合)誡(引)里迦曳(二十七) 阿嚕止(二十八) 曩(引)嚕止
(二十九) 捺[齒*來](三十) 捺[齒*來]囉日嚟(二合)(三十一) 捺吒囉
日嚟(二合)(引)(三十二) 嚕娜野納畢哩(二合)曳(三十三) 阿攞跢(引)
黎(三十四) 矩攞多夜(三十五)(引) 那(引)囉野拏(三十六) 鉢捨[寧*
頁](三十七) 娑鉢(二合)捨[寧*頁](三十八) 悉鈿覩(三十九) 捺囉(二
合)弭拏(引)(四十) 滿怛囉(二合)鉢娜(四十一)(引) 娑囉(二合、引)賀
(四十二)(引)

「阿難陀！我已教汝受持佛母大孔雀明王法，救莎底苾芻蛇毒之
難，令彼苾芻獲得安隱，亦令一切有情讀誦受持是經，獲大安樂，
壽命百年，所求遂願，已如前說。

「復次阿難陀！慈氏菩薩，亦隨喜宣說，此佛母大孔雀明王真言
曰：

「怛爾也(二合)他(引)(一) 試哩試哩(二) 試哩跋捺嚟(二合)(三) 孺
底孺底(四) 孺底跋捺嚟(二合)(五) 賀嚟賀嚟(六) 賀哩拏(七) 難
(上)底捨囉嚟(八) 試吠(九) 戍囉播(引)拏[寧*頁](十) 肩(引)地肩
(引)地(十一) 肩(引)地冒(引)地(十二) 冒(引)地薩怛吠(二合)(十三)
冒(引)地鉢哩播(引)左拏(引)曳娑囉(二合、引)賀(引)(十四)

「阿難陀！索訶世界主大梵天王，亦隨喜宣說，此佛母大孔雀明王真言曰：

「怛爾也(二合)他(引)(一) 呬哩呬哩(二) 弭哩弭哩(三) 麼哩[寧*頁]葬迦哩(四) 枳哩枳哩(五) 枳哩枳哩(六) 枳哩枳哩底(七) 沒囉(二合)賀麼(二合)曳(八) 矩嚩擿計(九) 尾拏訶普細(十) 馱囉馱囉(十一) 賀擢賀擢(十二) 普嚕普嚕(十三) 普嚕普嚕娑嚩(二合)賀(十四)(引)

「阿難陀！此真言能滅一切惡毒，能除一切毒類，佛力除毒，菩薩摩訶薩力除毒，獨覺力除毒，阿羅漢力除毒，三果四向聖力除毒，實語者力除毒，梵王杖力除毒，帝釋金剛杵力除毒，吠率怒輪力除毒，火天燒力除毒，水天羈索力除毒，阿蘇羅幻士力除毒，龍王明力除毒，嚕捺囉三戟叉力除毒，塞騫那爍底力除毒；佛母大孔雀明王力能除一切諸毒，令我(某甲)及諸眷屬，皆得安隱。

「阿難陀！復有一切毒類，汝應稱彼名字，所謂：跋蹉那婆毒、訶羅遏囉毒、迦羅俱吒毒、牙齒毒、螫毒、根毒、末毒、疑毒、眼毒、電毒、雲毒、蛇毒、龍毒、蠱毒、魅毒、一切鼠毒、蜘蛛毒、象毒、蝦蟆毒、蠅毒、及諸蜂毒、人毒、人非人毒、藥毒、呪毒，如是等一切諸毒，願皆除滅，令我(某甲)及諸眷屬，悉除諸毒，獲得安隱，壽命百年，願見百秋。

「阿難陀！帝釋天王亦隨喜宣說，此佛母大孔雀明王真言曰：

「怛爾也(二合)他(一) 若邏(二) 膳覩黎(三) 麼(引)羅(引)膳覩黎(四) 佐閉胝(五) 膳覩黎(六) 末他(上)[寧*頁](七) 伽(引)多[寧*頁](八) 仡囉(二合)薩[寧*頁](九) 賀哩(十) 矢哩(十一) 爾庾(二合)底失哩(十二) 怛嚕但嚕拏(上)嚩底(十三) 賀(引)賀(引)賀(引)賀(引)賀(引)(十四) 僧(思孕反)係(十五) 地底(十六) 地底(十七) 矩嚕矩嚕(十八) 尾囉惹(十九) 咄吒咄吒泉(二十) 襪吒襪吒泉(二十一) 悉哩悉哩(二十二) 劫比黎(二十三) 劫比羅母黎(二十四) 賀呬(引、馨異反)護(引)(二十五) 薩嚩訥瑟吒(二合)(二十六) 鉢囉(二合)訥瑟吒(二合)南(二十七) 咎婆(去)能迦盧(引)弭(二十八) 曷娑多(二合)播(引)能(上)誡(二十九) 鉢囉(二合)底孕(二合)誡(三十) [寧*頁]藥囉(二合)怛迦嚩弭(三十一) 娑賀怛哩(二合)娜(引)勢(三十二) 呬禰(引)吠呬(三十三) 啞徵(上)儼(寘以反)拏(三十四) 素囉跛底襪底(三十五) 嚩日囉(二合)嚩日囉(二合)(三十六) 嚩日囉(二合)(三十七) 嚩日囉(二合)嚩日囉(二合)(三十八) 嚩日囉(二合)鉢多曳(三十九) 娑嚩(二合)賀(四十)(引)

「阿難陀！四大天王亦隨喜宣說，此佛母大孔雀明王真言曰：

「怛爾也(二合)他(引)(一) 入嚩(二合)擢入嚩(二合)擢曩(二) 答跛答跛曩(三) 馱麼馱麼曩(四) 薩囉薩囉拏(五) 矩胝矩胝(六) 母胝

母祇(七) 弭祇弭祇(八) 薩囉薩囉(九) 賀囉賀囉(十) 但羅但囉
(十一) 娜娜娜娜娜(十二) 嚩嚩嚩嚩嚩(十三) 賀囉賀囉賀囉賀囉賀
囉(十四) 悉地悉地悉地悉地悉地(十五) 娑嚩(二合)娑底(二合)娑嚩
(二合)娑底(二合)娑嚩(二合)娑底(二合)娑嚩(二合)娑底(二合)娑嚩(二合)
娑底(二合)娑嚩(二合)賀(十六)(引)

「令我(某甲)并諸眷屬，皆得遠離一切鬼神使者、琰魔使者、黑夜
母天、持黑索者，及死王所罰、梵天所罰、帝釋所罰、仙人所罰、
諸天所罰、龍王所罰、阿蘇羅所罰、麼嚕多罰、誑嚕拏罰、彥達嚩
罰、緊那羅罰、摩護囉誑罰、藥叉所罰、羅刹娑罰、畢隸多罰、比
舍遮罰、步多所罰、矩畔拏罰、布單那罰、羯吒布單那罰、塞建那
罰、嚕麼那罰、車耶所罰、阿鉢娑麼羅罰、塢娑多囉迦罰、吠路拏
罰，王所罰、賊所罰、水火所罰，於一切處所有謫罰，及輕小治
罰，令我(某甲)并諸眷屬，皆得遠離，常見擁護，壽命百年，願見
百秋。

「阿難陀！汝當稱念，諸大河王名字，其名曰：

「菟伽河王 信度河王 嚩芻河王 泉多河王 設臘部河王 阿爾
囉伐底河王 琰母娜河王 句賀河王 尾怛娑多河王 設多訥嚕河
王 微播捨河王 愛羅伐底河王 戰捺囉婆誑河王 薩囉娑底河
王 羯縵比[寧*頁]河王 盃喻史拏河王 迦尾哩河王 擔沒囉鉢
拏河王 末度末底河王 益芻伐底河王 遇末底河王 捺末娜河
王 燥蜜怛囉河王 尾濕嚩蜜怛囉河王 阿麼囉河王 路麼囉河
王 半者囉河王 素婆翠堵河王 鉢囉婆捺哩迦河王 答布多河
王 尾麼囉河王 遇娜嚩哩河王 泥連善那河王 呬嚩孃伐底河
王。

「如是等諸大河王，依此大地而住。彼諸河王處，若天、若龍、若
阿蘇羅、麼嚕多、誑嚕拏、彥達嚩、緊那囉、摩護囉誑，若藥叉、
羅刹娑、畢隸多、比舍遮、若步多、矩畔拏、布單那、羯吒布單
那、塞建那、嚕麼那、車耶、阿鉢娑麼囉、塢娑路羅迦，及食精氣
者、食胎者、食血者、食肉者、食脂膏者、食髓者、食生者、食命
者、食祭祠者、食氣者、食香者、食鬘者、食花者、食果者、食苗
稼者、食火祭者、食膿者、食大便者、食小便者、食涕唾者、食涎
者、食洩者、食殘食者、食吐者、食不淨物者、食漏水者。

「如是等種種形貌、種種顏色，隨樂變身諸鬼神等，依彼河住。彼
等亦以此佛母大孔雀明王，皆擁護於我(某甲)，并諸眷屬，令離憂
苦，壽命百年，常受安樂。

「阿難陀！汝當稱念，諸大山王名字，其名曰：

「妙高山王 雪山王 香醉山王 百峯山王 竭地洛迦山王 金脇
山王 持光山王 [寧*頁]泯達羅山王 輪圍山王 大輪圍山王

因陀羅石山王 梵宅山王 有吉祥山王 善現山王 廣大山王 出寶山王 多蟲山王 寶頂山王 出金剛山王 阿蘇羅巖山王 毘摩質多羅山王 電光山王 馬乳山王 月光山王 日光山王 摩羅耶山王 頻陀山王 賢石山王 質怛囉矩吒山王 金峯山王 播哩耶怛羅山王 妙臂山王 有摩尼山王 蘇曬那山王 梵髻山王 智淨山王 牛耳山王 摩羅質怛羅山王 劍形山王 炎熱山王 安繕那山王 積聚山王 鹿色山王 達達山王 罽羅娑山王 大帝山王。

「如是等諸大山王，居此大地。於彼等山，所有天、龍、阿蘇羅、麼嚕多、誡嚕拏、彥達嚩、緊那羅、摩護囉誡、藥叉、羅剎娑、畢嚩多、比舍遮、步多、矩畔拏、布單那、羯吒布單那、塞建那、唵麼那、車耶、阿鉢娑麼羅、塢娑踰羅迦，諸鬼神等，及持明大仙，并諸眷從眷屬，住彼山者，亦皆以此佛母大孔雀明王，擁護於我(某甲)，并諸眷屬，壽命百年，除滅惡事，常覩吉祥，離諸憂惱。復說伽陀曰：

「『令我夜安隱， 晝日亦安隱，
於一切時中， 諸佛常護念。』

「阿難陀！汝當稱念，諸星宿天名號。彼星宿天，有大威力，常行虛空，現吉凶相，其名曰：

「昂星及畢星， 觜星參及井，
鬼宿能吉祥， 柳星為第七。

「此等七宿，住於東門，守護東方。彼亦以此佛母大孔雀明王，常護我(某甲)，并諸眷屬，壽命百年，離諸憂惱。

「星宿能摧怨， 張翼亦如是，
軫星及角亢， 氐星居第七。

「此等七宿，住於南門，守護南方。彼亦以此佛母大孔雀明王，常擁護我(某甲)，并諸眷屬，壽命百年，離諸憂惱。

「房宿大威德， 心尾亦復然，
箕星及斗牛， 女星為第七。

「此等七宿，住於西門，守護西方。彼亦以此佛母大孔雀明王，常擁護我(某甲)，并諸眷屬，壽命百年，離諸憂惱。

「虛星與危星， 室星辟星等，
奎星及婁星， 胃星最居後。

「此等七宿，住於北門，守護北方。彼亦以此佛母大孔雀明王，常擁護我(某甲)，并諸眷屬，壽命百年，離諸憂惱。

「阿難陀！汝當稱念，有九種執曜名號。此執曜天巡行二十八宿之時，能令晝夜時分增減，世間所有豐儉苦樂，皆先表其相，其名曰：

「日月及熒惑， 辰歲并大白，
鎮及羅睺彗， 此皆名執曜。

「此等九曜，有大威力，能示吉凶。彼亦以此佛母大孔雀明王，常擁護我(某甲)，并諸眷屬，壽命百年，離諸憂惱。復以伽陀讚諸星宿：

「『宿有二十八， 四方各居七，
執曜復有七， 加日月為九，
總成三十七， 勇猛大威神，
出沒照世間， 示其善惡相，
令晝夜增減， 有勢大光明；
皆以清淨心， 於此明隨喜。』

「此等星宿天，皆亦以此佛母大孔雀明王，常擁護我(某甲)，并諸眷屬，壽命百年。

「阿難陀！汝當稱念，諸大仙人名號。此諸仙人皆持成就禁戒，常修苦行，皆具威德，有大光明，或住山河，或居林藪，欲作善惡，呪願吉凶，隨言成就，五通自在，遊行虛空，一切所為，無有障礙，汝當稱念，其名曰：

「阿瑟吒迦大仙 嚩麼迦大仙 嚩麼禰嚩大仙 摩利支大仙 末建
孃耶大仙 種種友大仙 婆私瑟侘大仙 跋臘弭迦大仙 迦葉波大
仙 老迦葉波大仙 勃陵隅大仙 勃哩囉娑大仙 鴛儼羅大仙 婆
儼囉娑大仙 阿怛[口*賴]耶大仙 補擢悉底耶大仙 鹿頭大仙
焰摩火大仙 洲子大仙 黑洲子大仙 賀哩多大仙 賀哩多子大
仙 等聲大仙 高勇大仙 等高勇大仙 說忍大仙 名稱大仙 善
名稱大仙 尊重大仙 黃大仙 補怛洛迦大仙 阿濕嚩擢野那大
仙 香山 雪山 赤目 難住 吠陝 播野那大

仙 嚙攬弭迦大仙 能施大仙 訥麼娑大仙 設臘婆大仙 麼努大
仙 主宰大仙 帝釋大仙 歲星大仙 嬌大仙 光大仙 鸚鵡大
仙 阿羅彌彌大仙 鎮星大仙 辰星大仙 持毒大仙 乾陀羅大
仙 獨角大仙 仙角大仙 藥識大仙 單拏野那大仙 建姤野那大
仙 烟頂大仙 可畏大仙 劫比羅大仙 喬答摩大仙 摩登伽大
仙 朱眼大仙 妙眼大仙 娜羅娜大仙 山居大仙 訖哩弭囉大
仙。

「此等諸仙，皆是往古大仙，造四明論，善閑呪術，眾行備成，自他俱利。彼亦以此佛母大孔雀明王，擁護我(某甲)，并諸眷屬，壽命百年，離諸憂惱。」復說真言曰：

「怛爾也(二合)他(一) 呬(馨異反)哩呬哩(二) 呬哩佉哩(三) 麼哩護哩(四) 素哩賀哩(五) 呬哩呬哩(六) 弭哩弭哩(七) 嚙普嚙普(八) 拏嚙普(九) 佉囉(二合)薩[寧*頁](十) 沫他[寧*頁](十一) 諾賀[寧*頁](十二) 伽多[寧*頁](十三) 跋左[寧*頁](十四) 播(引)左[寧*頁](十五) 播多[寧*頁](十六) 踰跋[寧*頁](十七) 賀曩[寧*頁](十八) 娜賀[寧*頁](十九) 娜賀娜賀娜賀(二十) 娜羅娜羅娜囉[寧*頁](二十一) 播吒[寧*頁](二十二) 邏(引)賀[寧*頁](二十三) 謨賀[寧*頁](二十四) 婆擔(二合)婆[寧*頁](二十五) 咎婆[寧*頁]娑嚙(二合)賀(引)(二十六)

「阿難陀！汝當稱念，此大地中有大毒藥名字，其名曰：

「頰拏囉(引)(一) 半拏囉(引)(二) 迦囉(引)攞(引)(三) 計庾(引)囉(引)(四) 部(引)蹬識麼(五) 部(引)多鉢底(六) 泯努鉢底(七) 悉哩鉢底(八) 帝惹鉢底(九) 帝祖(引)佉囉(二合)鉢底(十) 拽戍(引)鉢底(十一) 拽戍佉囉(二合)鉢底(十二) 阿囉拏(十三) 踰(引)囉拏(十四) 阿囉赧(十五) 怛囉(二合)拏(十六) 難踰(引)諾賀(十七)(引) 濟賀(引)濟邏(十八)(引) 發邏慶邏(十九)(引) 止囉(引)難覩囉(二十) 伊哩枳止迦(二十一) 捨 且覩囉(二十二) 尾補里(二十三) 曩矩哩(二十四) 枳哩比(二十五) 怛郎識哩瑟吒(二合)(二十六) 闇(引)母麼底(二十七) 咎母麼底(二十八) 麼麼麼底(二十九) 迦麼黎(三十) 尾麼黎(三十一) 軍拏黎(三十二) 阿四覩呬(三十三) 嚙計(三十四) 嚙迦拏(引)帝(三十五) 嚙捺曩陸(三十六) 麼賀(引)識黎(三十七) 覩覽迷(三十八) 蘇覽迷(三十九)。

「阿難陀！此大毒藥及諸藥神，亦以此佛母大孔雀明王，守護我(某甲)，并諸眷屬，壽命百年，離諸毒害。

「復次阿難陀！此佛母大孔雀明王教，七佛、正遍知、如來之所宣說，所謂：微鉢尸、尸棄、毘舍浮、羯句忖那、羯諾迦牟尼、迦葉波、我釋迦牟尼正遍知等，皆隨喜宣說此佛母大孔雀明王。慈氏菩薩亦隨喜宣說。索訶世界主大梵天王，并天帝釋，四大天王，持國

天王與捷達婆主，增長天王與俱槃荼主，廣日天王與龍主，多聞天王與藥叉主，并二十八藥叉將，皆隨喜宣說此佛母大孔雀明王真言。散支迦大將，訶利底母及五百子，并諸眷屬，亦隨喜宣說。阿難陀！此佛母大孔雀明王真言，無能違越者。若天、若龍、若阿蘇羅、麼嚕多、誡嚕拏、彥達嚩、緊那囉、摩護囉誡等，亦無能違越者。若藥叉、若羅刹娑、若畢嚩多、比舍遮、步多、矩伴拏、布單那、羯吒布單那、塞建那、唵麼那、車耶、阿鉢娑麼囉、塢娑跢羅迦等，一切鬼神亦無能違越者。及一切諸惡食者：食精氣者、食胎者、食血者、食肉者、食脂膏者、食髓者、食生者、食命者、食祭祠者、食氣者、食香者、食鬘者、食花者、食果者、食苗稼者、食火祭者、食膿者、食大便者、食小便者、食涕唾者、食涎者、食洩者、食殘食者、食吐者、食不淨物者、食漏水者，如是等諸惡食者，亦不能違越此佛母大孔雀明王。又諸蟲魅、厭禱、呪術，諸惡法者：訖唎底迦、羯麼拏、迦具唎那、枳刺拏、吠跢拏、質者、畢嚩灑迦，亦不能違越。又有飲他血髓，變人驅役，呼召鬼神，造諸惡業，惡食惡吐，惡影惡視，或造厭書，惡跳惡驚，或惡冒逆，作惡事者，亦不能違越此佛母大孔雀明王。又諸王賊水火、他兵飢饉、非時夭壽、地動惡獸、怨敵惡友等，亦不能違越，悉皆遠離。又諸惡病：疥癩瘡癬、痔漏癰疽、身皮黑澁、飲食不消、頭痛半痛、眼耳鼻痛、脣口頰痛、牙齒舌痛、及咽喉痛、胸脅背痛、心肚腰胯、及脾膝痛、手足四支、及隱密處痛、瘦病乾消、遍身疼痛，如是等痛，亦不能違越，皆得遠離。又諸瘧病：一日二日、三日四日，乃至七日、半月一月，或復頻日、或復須臾，或常熱病，偏邪癭病，鬼神壯熱，風黃痰癆，或三集病，四百四病，皆不能違越此佛母大孔雀明王。

「阿難陀！復有鬼魅、人非人等，諸惡毒害，一切不祥，及諸惡病，一切鬼神，并及使者，怨敵恐怖，種種諸毒，及以呪術，一切厭禱，皆不能違越此摩訶摩瑜利佛母明王，常得遠離一切善不之業，獲大吉祥，眾聖加持，所求滿足。

「復次阿難陀！若有人纔稱念，此摩訶摩瑜利佛母明王名字者，便護自身及護他人。或結線索身上帶持，如其此人，應合死罪以罰物得脫，應合被罰輕杖得脫，應合輕杖被罵得脫，應合被罵自然得脫，一切苦難悉皆消散。此人亦不被王賊水火、惡毒刀杖之所侵害，人天鬼神無敢違越，睡安覺安，離諸恐怖，福德增長，壽命延長。

「阿難陀！唯除宿世定業必受報者，但讀誦此經，必獲應効。

「阿難陀！若天旱時，及雨滂時，讀誦此經，諸龍歡喜，若滯雨即晴，若亢旱必雨，令彼求者，隨意滿足。

「阿難陀！此佛母大孔雀明王，纔憶念者，能除恐怖怨敵，一切厄難，何況具足讀誦受持，必獲安樂。

「阿難陀！此摩訶摩瑜利佛母明王，是能除災禍、息怨敵者，為欲守護四眾——苾芻、苾芻尼、鄔波索迦、鄔波斯迦——離諸怖畏故。」復說真言曰：

「怛爾也(二合)佗(引)(一) 野疇底(二) 馱(引)[寧*頁](三) 馱囉枳(四) 矩嚕覩嚕銘(五) 娑疇(二合、引)賀(引)(六)

「貪欲瞋恚癡， 是世間三毒，
諸佛皆已斷， 實語毒消除。
貪欲瞋恚癡， 是世間三毒，
達磨皆已斷， 實語毒消除。
貪欲瞋恚癡， 是世間三毒，
僧伽皆已斷， 實語毒消除。
一切諸世尊， 有大威神力，
羅漢具名稱， 除毒令安隱。
我等并眷屬， 常得離災厄，
願佛母明王， 令一切安隱。」

爾時具壽阿難陀，聞佛世尊說是經已，頂禮雙足，右繞三匝，承佛聖旨，往莎底苾芻所，便以此佛母大孔雀明王法，為彼苾芻而作救護，結其地界，結方隅界，攝受饒益，除其苦惱。時莎底苾芻，苦毒消散，身得安隱，從地而起，與具壽阿難陀，俱詣佛所，禮雙足已，在一面住。

爾時世尊告阿難陀：「由此因緣，汝當普告四眾——苾芻、苾芻尼、鄔波索迦、鄔波斯迦——及國王大臣世間人等，勸令一心受持此法，為他人說，書寫經卷，在處流通，當令嚴飾，建立壇場，香花飲食，隨分供養，令一切有情，離諸憂惱，得福無量，常獲安樂，壽命百年。」

爾時世尊說是經已，人天藥叉及諸鬼魅，奉佛教勅不敢違越，皆起慈心，護持經者。時具壽阿難陀，及諸大眾，天、龍、藥叉、彥達疇、阿蘇羅、摩嚕多、藥嚕拏、緊那囉、摩護囉識、人非人等，聞佛所說，皆大歡喜，信受奉行。

天阿蘇羅藥叉等， 來聽法者應至心，
擁護佛法使長存， 各各勤行世尊教。
諸有聽徒來至此， 或在地上或居空，
常於人世起慈心， 晝夜自身依法住。
願諸世界常安隱， 無邊福智益群生，

所有罪業並消除， 遠離眾苦歸圓寂。
恒用戒香塗瑩體， 常持定服以資身，
菩提妙華遍莊嚴， 隨所住處常安樂。
佛母大孔雀明王經卷下

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
